

曲禮上下

禮記集說  
第一







禮記集說序

前聖繼天立極之道莫大於禮後聖坐世立教之書亦莫先於  
禮禮儀三百威儀三千畀非精神心術之所寓故能與天地同  
其節四代損益世遠經殘其詳不可得聞矣儀禮十七篇戴記  
四十九篇先儒表章庸學遂爲千萬世道學之淵源其四十七  
篇之文雖純駁不同舛義之淺深同異誠未易言也鄭氏祖識  
緯孔疏惟鄭之從雖有他說不復收載固爲可恨然其灼然可  
據者不可易也近世應氏集解於雜記大小記等篇皆闕而不  
釋噫愼終追遠其關於人倫世道至細故而可畧哉先君子師  
喜雙峯先生十有四年以是經三領鄉書爲開慶名進士所得  
於師門講論甚多中罹煨燼隻字不遺不肖孤僭不自量會萃  
衍繹而附以臆見之言名曰禮記集說蓋欲以坦明之說使約



學讀之卽了其義庶幾章句通則經與自見正不必高爲議論  
而卑視訓故之辭也書成甚欲就正于四方有道之士而哀年  
多疾遊歷良艱姑藏巾笥以俟求哲治教方興知禮者或有取  
焉亦愚者千慮之一爾後學東匯澤陳皓序



禮記集說大全凡例

一今編以陳氏集說為宗諸家之說有互相發明及足其未備者分註于下不合者不取

一陳氏集說舊例校讐經文

蜀大字本

興國于氏本

建本註疏

援引書籍

漢鄭氏註

儀禮右註疏

楊氏祭禮通解

九經註疏

杜氏通典

程氏遺書

張子語錄

朱子小學書

朱子語類

三山陳氏禮書

孫氏示兒編

應氏集解

蔡氏書傳

嚴氏詩緝

宋舊監本

明郡重刊廖氏本

南康經傳通解

唐孔氏疏

儀禮經傳通解

陸氏經傳釋文

許氏說文

鄭氏通志畧

程子粹言

朱子四書

朱子大全集

春秋纂例

潛室陳氏木鐘集

方氏集解

贊皇浩涓集解

呂氏詩記

周官制度



括蒼項氏禮說

龍泉葉氏記言

馬氏禮解

源流至論

藍田呂氏說

雙峯饒氏說

註說

凡名物度數據古註正義道學正論宗程子朱子精

義詳盡則泛取諸家發明未備則足以已意

音文

義同古註則依陸氏釋文界明新意則各據諸家

章句

俗本古註章斷皆圈今依註疏及蜀本廖本古註皆

不圈

一今所

取諸儒姓氏除舊引書籍已見外餘闕于左

周子惇

茂叔

恭叔

慶源輔氏廣

農師

永嘉周氏行已

淳甫

山陰陸氏佃

君實

華陽范氏祖禹

邦衡

吳郡范氏成大

至能

序陵胡氏銓

希聖

吳興沈氏清臣

正卿

延平周氏誦

敬仲

錢塘于氏有成

君錫

慈湖楊氏簡

元發

江陵項氏安世

平甫

廣安游氏

安卿

石林葉氏夢得

誠甫

北溪陳氏淳

執中

永嘉徐氏自明

誠甫



延平黃氏棠 晃仲 長牙黃氏翰 直卿

正氏子墨 何氏平升

西山真氏德秀 景元 金華祁氏淵 萬宗

永嘉戴氏溪 少堅 新定顧氏元常

番陽洪氏邁 景廬 清江劉氏敞 原父

莊氏夏 盧氏 蔣氏君實

新安王氏 盧氏 王氏薌

眉山孫氏似 李氏

許氏 王氏薌

晏氏光 李氏

昆陵慕容氏彥達 叔遇 劉氏孟洽 臨川吳氏澄 勿清

金華范氏鍾 一仲和

勅纂脩

一今奉

翰林院學士燕左春坊大學士奉政大夫臣胡廣

奉政大夫右春坊右庶子兼翰林院侍講臣楊榮

奉直大夫右春坊右諭德兼翰林院侍講臣金幼孜

翰林院脩撰承務郎臣蕭時中

翰林院脩撰承務郎臣陳循

翰林院編脩文林郎臣周述

翰林院編脩文林郎臣陳全

翰林院編脩文林郎臣林誌

翰林院編脩承事郎臣李貞

翰林院編脩承事郎臣陳景著







泉州府儒學教授臣曾振

新州儒學正臣傅舟

善  
忙  
縣  
儒  
學  
教  
諭  
廖  
敬  
宇

江  
來  
儒  
昌  
言  
進  
留  
季  
方

18

1

11

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some minor discoloration and creases, particularly along the right edge where a dark vertical line is visible. There is no text or other markings on the page.

1

18

1

1

—

先大全列

豐邑







禮記集說大全總論

程子曰禮記雜出於漢儒其間傳聖門緒餘及格言甚多如禮記學記之類無可議者禮弓表記防記之類亦甚有至理惟知言者擇之如王制禮運禮器其書亦多傳古意若間居燕居三無五起之說文字可觀又曰禮記除中庸大學唯樂記為最近道學者深思自得之禮記之表記其亦近道矣乎其言正

永嘉周氏曰經禮三百威儀三千皆出於性非偽自飾情也天尊地卑禮固立矣類聚羣分禮固行矣人者位乎天地之間立乎萬物之上尊卑分數不設而章聖人循此制為冠婚喪祭朝聘鄉射之禮以行君臣父子兄弟夫婦朋友之義其形而下者見於飲食衣服之用其形而上者極於無形無臭之微眾人勉之矣人行之聖人由之故所以行其身身其家奔其國每其天下者禮治則治亂則亂有則存亡則也上自古始下逮五季禮文不同因不由是然而世有損益惟周為備夫子嘗曰郁郁乎文哉吾從周逮其變也忠信之薄而情文之繁林放問禮之本孔子欲從先進蓋所以矯正反弊也然豈禮之過哉為禮者之過也秦氏焚滅典籍三代禮文大壞漢與購書禮記四十九篇雖出諸儒傳記不能悉得聖人之旨考其文義時有抵牾然而其文繁其義博學者博而約之亦可弗畔蓋其說也粗在應對進退之間而精在道德性命之要始於童幼之習而卒於聖人之歸惟達古道者然後能知其言能知其言然後能得於禮然則禮之所以為



禮其則不遠矣

延

平周氏曰夫禮者性命之成體者也蓋道德仁義同出於性

命而所謂禮者又出乎道德仁義而為之節文者也方其出

於道德仁義則道德仁義者禮之本也故曰仁者人也親親

為大義者宜也尊矣為大親親之殺尊矣之等禮所生也方

其為之節文則道德仁義反有資於禮也故曰道德仁義非

禮不成嗚呼此禮之所以為禮者也若夫吉凶之禮寧賓之

別其言不盡於意其意必寓於象故一服飾一器械有以存

於度數之間者象也象則文也又推而上之有以見於度數

之表者意也意則情也所謂意者情於性命而已矣書曰天

秩有禮自我五紀有庸哉蓋其以故威命以人靡天者聖人

不為惟其天秩之所有是乃聖人所庸者也然聖人所以庸

之者豈特使天下後世知有尊卑之分而苟自異於禽獸耳

蓋又將為入道之資也聖人既取禮經之義闕久矣世之所

傳曰周禮曰儀禮曰禮記其間獨周禮為太平之成法儀禮

者又吹之禮記者雜記堯王之法言而尚多漢儒附會之疵

此學者所宜精擇

朱

子曰或謂禮記是漢儒說恐不然漢儒最純者莫如董仲舒

仲舒之文最純者莫如三策何嘗有禮記中說話未如朱記

所謂天高地下萬物散殊而禮制行矣流而不息合同而化

而亦與焉仲舒如何說到這裏想必是古來流傳得此箇文

字如此

虛

氏曰禮記乃儀禮之傳儀禮有冠禮禮記則有冠儀以釋之

儀禮有昏禮禮記則有昏義以親之儀禮有鄉飲酒禮禮記



則有卿飲酒義以釋之  
儀禮有聘禮記則有聘義以釋之  
代之制而其言多與儀禮相表裏但周禮儀禮皆周公所作而禮記則漢儒所錄雖曰漢儒所錄然亦儀禮之流也何以言之周禮雖得之於河間獻王時無有傳之者武帝以焉末世禮亂之書何休以為六國陰謀之書至于漢末乃行於世惟儀禮之書漢初已行故高堂生傳之蕭奮蕭奮傳之孟卿孟卿傳之后蒼后蒼傳之戴德戴聖二戴因習儀禮而錄禮記故知禮記儀禮之流也

禮記集說大全總論







禮記集說大全卷之一

曲禮上第一

經曰曲禮三千言節目之委曲其多如是也此即古禮經之篇名後人以編簡多故分為上下○張子曰物我

兩盡自曲禮入

曲禮曰毋不敬儼若思安定辭安民哉

註毋禁止辭○朱子曰首章言君子脩身其要在此三者而

其效足以安民乃禮之本故以冠篇○范氏曰經禮三百曲

禮三千可以一言蔽之曰毋不敬○程子曰心定者其言安

以舒不定者其辭輕以疾○劉氏曰篇首三句如曾子所謂

君子所貴乎道者三而籩豆之事則有司存之意蓋先立乎

其大者也毋不敬則動容良斯遠鄙倍矣三者脩身之要為

斯近信矣安定辭則山辭氣斯遠鄙倍矣三者脩身之要為

政之本此君子脩己以敬而其效至於安人安百姓也○西

山真氏曰曲禮一篇為禮記之首而毋不敬一言為曲禮之

首蓋敬者禮之綱領也曰毋不敬者謂身心內外不可使有

一毫之不敬也其容良必端仰而若思其言辭必安定而不

遽以此臨民民有不妄者乎此章凡四言而脩身治國之道

畧備其必聖

賢之遺言歟



教去不可長

反

欲不可從

縱志不可滿

禁洛不可極

亡

朱子曰此篇雜取諸書精要之語集而成篇雖大意相似而文不連屬如首章四句乃曲禮古經之言教不可長以下四句不知何書語又自為一節皆禁戒之辭○應氏曰教之反為教情之動為欲志滿則溢示極則反○馬氏曰教不可長者欲損而抑之也示不可極者欲約而歸於禮也有周公之才之美使驕且吝其餘不足規則驕教之喪德也甚矣此所以不可長也孟子曰其為人也不克以義則無所不至矣此所以不可出於人為遠之而不克以義則無所不至矣此所以不可行也夫聰明聖智守之以愚功被天下守之以謙有高世之行過人之功而侈然有自大之心則失其所以為善此所以不可滿也示者人情之所不免也蕩而無節則悖天理而窮人欲矣聖人知其不可絕也故立中禮以防之蓋酒者所以合歡必使之賓主百拜而不敢醉示者所以導和必使之正以雅止以敬而不敢淫凡人情之所示者皆以禮以制之而不得放焉此所以不可極也

賢者狎而敬之

生

畏而愛之

愛而知其惡

憎而知其善

積而能散

安安而能遷

宋

朱子曰此言賢者於其所狎能敬之於其所畏能愛之於其所愛能知其惡於其所憎能知其善雖積財而能散施雖



安安而能徙義可以為法身上下文禁戒之辭不同○應氏曰安安者隨所安而安也安者仁之順遷者義之決

臨財毋苟得

臨難

毋苟免

恨

毋求勝

分

毋求多

難也分毋求多不患寡而患不均也况求勝者未必能勝求財必求苟得累於身者則臨難必求苟免唯君子忘物所以

立我故不累於物忘我所以立道故不累於身內外無累故可以得而得無心於得非所謂苟得也可以免而免無心於

免非所謂苟免也君子之所以自立有如此者今天下之所遺物也苟能忘我而常處其弱則人之狠者不求勝而天下

莫能勝矣苟能遺物而常處其不足則人之介者不求多而天下莫能損矣苟持是於天下雖

之蠶頰而必行入廉廡而不亂矣

疑事毋質直而勿有忤

疑事毋質直而勿有忤

語朱子曰兩句連說為是疑事毋質即少仅所謂毋身質言語也直而勿有謂陳我所見聽彼決擇不可據而有之專務

強辨不然則是以身質言語全

若夫坐如尸立如齊

豐已卷一

二



疏曰尸居神位坐必於莊坐法必當如尸之坐人之倚立多慢不恭雖不各亦當如祭前之各○朱子曰劉原父云此乃大戴禮曾子事父母篇之辭曰孝子惟巧交故父母安之若夫坐如尸立如齊不訕不言言必齊色比成人之善者也未得為人子之道也此篇蓋取彼文而若夫二字失於刪去鄭氏不知其然乃謂此二句為丈夫之事誤矣○永嘉周氏曰君子之所以必莊必敬者非以飾外自所以養中也蓋其心肅者其自必莊其意誠者其体必敬必敬然後可以為尸故君子之坐如之必莊必敬然後可以為各故君子之立如之當是時也其心寂然而無一物有乎顯若而無他慮是心也聖人之心也顏子三月不違仁不違此心也其能日月至焉至此心也聖人從心所欲不踰矩不踰此心也聖人常觀子久其餘暫百姓日用而不知也古之人何獨坐立然後如此無須更之難終日之違造次必於是顛沛必於是此導者入德之要不可不思也

禮從宜使聲部從俗太

鄭氏曰事不可常也○呂氏曰敬者禮之常禮時為大時者禮之變体常盡變則達之天下周旋無窮○應氏曰大而百王百世履文損益之時小而一事一物泛應酬酢之節又曰五方皆有性千里不同風所以入國而必問俗也

夫禮者所以定親疏決嫌疑別同異明是非也



註疏曰五服之內大功以上服廢者為親小功以下服精者為親若妻為女君期女君為妾若服之則太重諸之則有舅姑為婦之嫌故全不服是夾與也孔子之喪門人疑所服子貢請若喪父而無服是夾與也本同今異姑姊姊是也本異今同世母叔母及子婦是也得禮為是失禮為非若主人未小斂子游謁襲而弔得禮是也得禮為是失禮為非若主人未蓋田呂氏曰伯母叔母既哀踊不絕地姑姊姊之大功踊絕於地為祖父母世各衰期為曾祖父母各衰三月此所以定親疏也嫂叔不通問嫂叔無服君冰漿大夫冰稷士冰梁燕不以公卿為賓以大夫為賓此所以夾與也巳之子兄弟之子異矣引而達之同服各衰期天子至於庶人其貴賤異矣而父母之喪各衰之服鍾鼎之食無貴賤一也大夫為世父母叔父母母喪子昆弟昆弟之子降服大功尊同則不降此所以別同異也禮之所尊尊其義也其文是也其義非也君子不行也其義是也其文非也君子行也故麻冕禮也今也純儉吾父喪男女不授受禮也嫂舅援之以手此所以明是非也

禮不妄說人不辭費不

註疏曰以悅人已失處心之正况妄乎不妄悅人則知禮矣躁人之辭多君子之辭定意則止言者煩聽者必厭

禮不踰節不侵侮不好聲狎客



踰節則招辱侵侮則忠讓好狎則忘敬三者皆養禮之事  
不如是則有以持其莊敬純實之誠而遠於卑辱矣  
朱子曰  
禮有常度不為僂僂以未恤於人也不得費辭達則止不  
實於多不好狎狎謂親褻○金華應氏曰不為悅人不為費  
所以養其正大簡易之心也不踰節所以致其審密謹密  
察之功也不侵侮不好狎所以持其莊敬純實之誠也

### 脩身踐言謂之善行

去行脩言道禮之質也  
人之所以為人言行而已忠信之人可以學禮故曰禮之  
質也○鄭氏曰言道言合於道也  
中陵方氏曰禮之文則  
見乎事禮之質則存乎人言行有乎人者也故曰禮之質也  
亦記又以中正無邪為禮之質者蓋惟行脩言道乃能中正  
無邪曲禮言其始亦記言  
其終所以為質則一也

### 禮聞取於人不聞取人

禮聞來學不聞往教  
朱子曰此與孟子治人治於人食人食於人語意相類取  
於人者為人所取法也取人者人不來而能引取之也來等

往教即  
其事也

### 道德仁義非禮不成

道德猶路也事物當然之理人所共由故謂之道行道而有  
得於身故謂之德仁者心之德愛之理義者心未測事之宜



四者皆由礼而入以礼而成盖礼以敬為求敬者德之聚也

# 教訓正俗非禮不備

立教於上示訓於下皆所以正民俗然非各之以礼則或有教訓所不及者故非礼不備

# 分爭辨訟非禮不決

朱氏曰爭見於事而有曲直分爭則曲直不相交訟形於言而有是非辨訟則是非不相敵礼所以正曲直明是非故此二者非礼則不能决

# 君臣上下父子兄弟非禮不定

一主於義一主於恩恩義非礼則不能定蓋田呂氏曰道德仁義所以成己也教訓正俗所以成人也分爭辨訟所以决是非也君臣上下父子兄弟所以正大倫也皆有待於礼者也蕭天下而佈之之謂仁理之所當然之謂義由仁義而之焉之謂道有仁義於己之謂德節文乎仁義之謂礼仁義道德皆其性之所固有本於天是兩行之雖不中不遠矣然無節無文則過不及害之以至于道之不明且不行此所以非礼不成也先王制礼教民之中而已教不本於礼則教之不當設之不當則所以教者不備矣教訓正俗其義皆教也立教之謂教訓說理義之謂訓皆所以正俗之不正故曰非



禮不備也理有可不則爭情有曲直則訟惟禮為能決之蓋  
分爭者合於禮則可不合於禮則不可辨訟者有禮則直無  
禮則不直故曰非禮不決君臣上下父子兄弟人之大倫由  
禮而後定也故冠昏喪祭射鄉朝聘所以明者人倫而已故  
曰非禮  
不定

### 宦學事師非禮不親

宦仕也仕於學皆有師事師所  
以明道也而非禮則不相親愛

### 班朝治軍泄官行法非禮威不行

班朝廷上下之位治軍旅左右之司分職以泄官謹守以  
行法威則人不敢犯中則人不敢違四者非禮則威比不行

### 禱祠祭祀供給鬼神非禮不誠不莊

禱祠以求為意祠以文為主祭以養為事祀以安為道四者  
皆以供給鬼神誠出於心莊形於外四者非禮則不誠不莊

○今世供給者謂奉薦牲幣器皿之類也蓋曰呂氏曰臣

等事師學者之事也班朝治軍泄官行法仕者之事也禱祠

祭祀供給鬼神交神明之事也皆有待於禮者也宦家臣也

雜記云宦於大夫者之為之服也蓋仕為家臣而未升諸公

蓋亦學為仕者也故宦者學為仕之稱也學者學道藝者也

二者之學皆有師師弟子之分不正則學之意不誠學之意



不誠則師弟子之情不親而教不行故曰非礼不親班朝者  
正朝位也治軍者各軍政也治官行法者臨官府以行法令  
也三者皆仕者所以治衆也礼明乎尊卑上下之別則分無  
不守令無不從此所以非礼威嚴不行也詩祠祭祀則郊社  
宗廟之常礼也内則盡志外則盡物所以供給鬼神鬼神無  
常享享于克誠礼者敬而已無敬則下誠故曰非礼不誠不莊  
是以君子恭敬撝節退讓以明禮矣

君子恭敬撙節退讓以明禮樂

是以承上文而言樽裁抑也礼主其減蓋田呂氏曰禮者敬而已矣君子恭敬所以明礼之實也礼節文乎仁義者也君子樽節所以明礼之心也辭遜之心礼之端也君子退遜所以明礼之用也

鸚鵡

能言不離聲飛鳥握生握能言不離禽數今人而無禮雖

能言

不亦禽獸之心乎牙夫惟禽獸無禮故父子聚麀又

鸚鵡鳥之慧者隴蜀嶺南皆有之猩猩人面豕身山交趾封綸等處禽者鳥獸之總名鳥不可曰獸獸亦可曰禽故鸚鵡不曰獸而猩猩則通曰禽也豚猶其也魚之北者曰𩚑

是故

聖人作詩為禮以教人使人以有禮知自別於禽獸且

朱子曰聖人作絕句註藍田呂氏曰人之血氣嗜慾視聽



亦或能之是則所以貴於萬物者蓋有理義之謂聖人因理義之同然而制為之禮然後父子有親君臣有義男女有別人道所以立而與天地參也縱恣急殺滅天理而窮人欲待身馬牛犬彘之無辨是果於自齊而不欲處於人類者乎

太上貴德其次務施報禮尚往來往而不來非禮也來而不往

亦非禮也

**註**太上皇帝之世但貴其德足以及人不貴其報其次三王之世禮至三王而備故以施報為尚**馬氏**曰禮之設所以緣人情也故曰報者天下之利也又曰禮得其報則樂聖人因人情之所樂制為往來之禮所以使天下之人豐而不倦也夫獻而必有酬酢而必有酢此往來之禮見於燕飲也主人出迎則客固辭客就東階則主人固辭此往來之禮見於際世也服之三年者其報必期服之期者報亦如之此往來之禮見於喪紀也其往而不來來而不往則禮失其報而為禮者有時而急矣

人有禮則安無禮則危故曰禮者不可不學也

**註**禮者安危之所係自天子至於庶人未有無禮而安者也

夫禮者自卑而尊人雖負販反者必有尊也而况富貴乎



利雖卑賤不可以無禮也

富貴而知好禮則不驕不淫賤而知好禮則志不驕反矣

馬氏曰富貴之所以驕淫貧賤之所以猥怯以內無素定之介而每物為輕重也好礼則有得於內而在外者莫能棄矣永嘉戴氏曰安危之幾生歿之本也有礼則安安則生矣無礼則危危不是言也歿將至矣聖人制礼之意所以生斯人也一日無礼則民有不得其歿者矣礼以卑為主以恭為本有自是之心者不可以語礼有自大之心者不能以行礼故礼者所以柔伏其侈大之意而習為退遜諷下之道故有礼之人其容肅然以正其氣粹然以和望其顏色而知其人之可親也其容振其氣暴望其顏色而生慢易之心者必其無礼之人也富貴之失礼以驕貧賤之失礼以諂驕者失於充諂者失於卑其為失礼一也

人生十年曰幼學二十曰弱冠三十曰壯有室四十曰強而

仕五十曰艾服官政六十曰耆拍使七十曰老而傳八十九十

曰耄七年曰悼悼與耄雖有罪不加刑焉百年曰期頤

朱子曰十年曰幼為絕句學字自為一句下至百年曰期皆然呂氏曰五十曰艾髮之蒼白者如艾之色也古者四



十始命之仕五十始命之服官政仕者為士以事人治官府  
之事也取官政者為大夫以長人與聞邦國之大事者也  
才可用則使之仕德成乃命為大夫也奇者稽久之稱不自  
用力惟以指意使人故曰指使傳謂傳家事於子也蓋恪  
忘也悼憐愛也耄者老而知已哀悼者幼而知未及雖或有  
罪情不出於故故不加刑人壽以百年為期故曰期餘食居  
處動作無不待於養故曰顯國永嘉戴氏曰聖人制禮以律  
天下以節人心使人血氣充實志意堅強壯者服其勞老者  
安其逸未用者無躁進之心常退者無不足之戒每十年  
為一節而人心有定向矣二十血氣猶未定然趨向善惡判  
於此矣故責以成人之禮焉三十有室不至於過而失節亦  
不至於曠而失時此古人所以筋力之盛壽命之長也四十  
志氣堅定強立不反不棄於利害不怙於禍福可以出仕矣  
自此以往三十年宣勞於國非若後世強者有時不用少者  
老者並用至於怠惰靡弛而使之振也人至於五十更歷世  
變諳知人情亦既熟矣若此而取官政則服習故事詳審和  
緩不至於擾民生矣年至於六十幾於老矣于斯時也有  
指畫之勞無奔走聚役之事七十謂之老而猶勇事緩是不  
知少也然人方其血氣之盛猶有所弄也及其晚衰則顧慮  
不忍去雖家事亦憊而況於國事乎此聖人所以戒之在得  
也耄易悼者解后有罪非其故也禮經養老之禮鄉飲酒之  
義至九十而止獨曲禮曰百年曰期頤壽至百年此亦絕無  
而僅有也自養之外無他望焉三代之老上而天子諸侯養  
之下而其家能養之孝弟之風安得不形於天下此天下所



以易治也。○即陵方氏曰：幾起於一止於十，天地奇偶之數，陰陽生成之理，每至於一是則必更焉。人者受天地之形，孕陰陽之氣者也。孰能逃其數而逆其理哉？故其生每於十年則必異其名，至其時則必異其事也。○馬氏曰：自幼弱壯，強至于艾者，言血氣智慮之衰也。自耆老至于耄期者，言齒之逾久也。自學至于傳者，言其事也。蓋人血氣智慮率十年而加益，血氣智慮既加益矣，則所學者宜愈深，所仕者宜愈大矣。

### 大夫七十而致事

**致還其職**  
事於君也

### 若不得謝則必賜之元杖

**不得** 不得辭言謂君不許其致事也。如辭謝代誓亦皆却而退去之義。凡所以馬杖所以倚賜之使自安適也。

### 行役以婦人適四方乘安車

**疏**曰：婦人能養人，故許自隨。右者四馬之車，立乘安車者一馬小車坐乘也。○即陵方氏曰：凡則憑之以安其體，杖則持之以助其力也。行役外事也，而以婦人焉，欲其雖在外而猶在內也。適四方勞事也，而乘安車焉，欲其雖服勞而不失其逸也。言行役則主在公言之耳，言適四方則主在遠言之耳。在公猶得以婦人沉在私之事乎？在遠猶得乘安車况在



國之時乎是皆待之以非常之禮故也

自稱曰老夫於其國則稱名

呂氏曰老夫長者之稱已目稱名者父母之邦不敢以尊者自居也

越國而問焉必告之以其制

國應氏曰一國有兵衆國所仰故越國而來問文獻不足則言禮無計故必告之以其制言禮國之故事以答之也馬氏曰七十而致事順天理也位至大夫君之所矣也天下之達尊三大夫兼而有之者也為君者得不致其敬乎於其致事而去必有以勞之於其留而自輔必有以養之凡杖婦人安車者所以養安其氣休不敢勞以事也所以見尚齒貴爵尊德之義不嫌其為侶也然於其國猶曰自名者所以尊君也夫天子巡守亮見百年者九十者天子欲有問焉則就其室古之人咨於元老如此其敬以其矣而多聞也則宜有越國而問之矣必告之以其制者蓋制於先王而非先王者無法故告之以其制也

謀於長者必操几杖以從之長者問不辭讓而對非禮也

國諫於長者謂往就長者而諫說所為也長者之前當無諫虛不辭讓非事長之禮○應氏曰操几杖以非謂長者所



無也執弟子之役其祀然耳藍田呂氏曰二者皆教長之  
義也坐有凡所以憑之也行有杖所以策之也皆優老之具  
也擇几杖以父之敬之至也長者問不辭讓而對則敬不足  
也孔子問曾子曾子曰參不敏何足以知之公西赤曰非曰  
能之願學焉皆  
是辭讓之言

凡為人子之禮

冬溫而夏清性

昏定而晨省在醜夷不爭

溫以禦其寒清以致其涼定其社席省其安否醜同類也  
夷平等也一朝之忿忘其身則害及其親故在羣衆脩輩之  
中壹於遜讓藍田呂氏曰溫清定者所以養體也醜夷不  
爭所以養志也一歲則有冬夏寒暑之適一日則有晨昏與  
寢之適人子不可不知也內則父母將姪長者奉席請可臥  
少者執杖勿坐昏定之事也子事父母雞鳴適父母之所下  
瓦怡拜問衣與寒男女未冠笄及命士以士父于異宮則時  
爽而朝文王之為世子雞初鳴衣服至于寢門外問安否何  
如此晨省之事也醜夷同等之稱也事親者居上不驕為下  
不亂在醜不爭三者不除雖日用三牲之養猶為不孝也孝  
經引三者此獨云在醜夷不爭者上下驕亂之禍為少而醜  
夷之爭多也孝子一出言舉足不敢忘父母苟好勇鬪狠以  
危父母一朝之忿忘其身以及  
其親則所以養親者果安在哉

夫為人子者三賜不及車馬

故州問鄉黨

彌其孝也兄弟親戚



稱其慈也僚友稱其弟也執友稱其仁也交遊稱其信也亦

區言為人子謂父在時也古之仕者一命而受爵再命而受  
衣服三命而受車馬有車馬則尊貴之體自備矣今但受三  
賜之命而不受車馬同受故言不及車馬也君之有賜所以  
私其臣子之不受不敢並於親也二十五家為閭四閭為族  
五百家為黨二千五百家為州一黨二千五百家為甸考之  
所設者大故其稱最疾曰德曰弟曰仁曰信皆孝之事也僚  
友官同者執友志同者同師之友其執志同故曰執友交遊  
則該言遠近之往來者田品氏曰五者之稱不同各以  
其所見言之也州閭鄉黨親其行者也見其所以敬親故稱  
其孝兄弟親戚責其恩者也順於父母者親親之愛必隆故  
稱其慈僚友見其有所諱者也有所諱者弟之心故稱其弟執友  
者友其德德莫盛於孝孝者仁之本故稱其仁交遊主於信  
知其誠心於孝也故稱其信

見父之執不謂之進不敢進不謂之退不敢退不問不敢對此

孝子之行去也亦

方氏曰孔子曰愛親者不敢惡於人敬親者不敢慢於人見  
父之執於進退之節有所不敢則一出言不敢忘親可知孝子之行執  
對問之節有所不敢則一出言不敢忘親可知孝子之行執



過乎是

夫為人子者出必告告反必面面所遊遊必有常常所習習必有業業

註出則告遠反則告歸又以自外來敬者顏色故言面遊有常身不他往也習有業心不他用也

恒言不稱老矣

註恒言平常言語之間也自以老稱則尊同於父母而父母為過於老矣古人所謂斑衣戲者欲安父母之心也田呂氏曰出必告反必而受命於親而不敢專也所有必有常所習必有業俸親之愛而不敢貽其憂也恒言不稱老極子之慕而不忍忘也父母在而不敢有其身如之何聞斯行諸出入而無所受命是遺親也親之愛子至矣所遊必欲其安所習必欲其正苟輕身而不自愛則非所以養其志也君子之事親親雖老而不失孝孺子慕考愛親之至也孟子曰五十而慕吾於大舜見之故髮彼兩髦為孺子之飾親見然後說之苟常言而稱老則忘親而非孝也

年長以倍則父事之十年以長則兄事之五年以長則肩隨之

註肩隨並行而差退也此及言長少之序非謂親者

羣居五人則長者必異席席



禮記

為人子者居不主奧坐不中席行不中道立不中門

室西南隅為奧主奧中席皆尊者之道也行道則或左或右立門則避棖闢之中皆不敢進尊者之所行也古者男女異路路各有中門中門有闢闢之兩旁有棖也

食嗣  
饗不為厭

食饗如奉親延客及祭祀之類此是不為厭量順親之心而不敢自為厭節也

祭祀不為尸

古者地處橫席而容四人長者居席端若五人會則長者一人異席也  
弟堯舜之道孝弟而已矣夫孝弟於步髮疾徐之間而聖人之道乃始於此者蓋達事長之禮無所往而不為順也推其  
隨者不敢與先生並行也其出也不敢而之並行則其居也  
可以同席乎蓋五人之羣當有所長推其長者必異席以敬  
之古人敬長也此則民之犯上而踰禮者宜辨矣○金華邱

氏曰愛親者不敢惡於人敬親者不敢慢於人知愛敬其親而於人如怒焉則愛敬之道彰矣故年倍於我事以父祀長我十年事以兄祀長我五年差肩隨之至於羣居五人則又  
異長者之席其於人庸敢慢慢乎以此事觀愛敬之道盡矣



呂氏曰尸取主人之子行而已若主人之子是使父北面而事之人子所不為故不為也

聽於無聲視於無形

先意承志也○疏曰雖聽而不聞父母之聲雖視而不見父母之形然常於心想像似見形聞聲謂父母將有教使已然

不登高不臨深不苟訾紫不苟笑孝子不服閭暗不登危懼辱

親也太

疏曰不服閭者不行事於暗一則為卒有非常二則生  
物嫌故孝子戒之○呂氏曰苟訾近於讒苟笑近於諂服閭  
者數人所不見登危者行險以徵幸是忘親也非特忘之不  
令之名且將加之皆辱道也○金華邵氏曰事親之道當自  
卑以尊其親尤當自重以愛其身主與中席皆尊者所居中  
道中門皆尊者所由為尊為尸皆尊者之事人子皆不敢當  
既不嫌於逼其親矣聽於無聲常若親有命視於無形常若  
親在前又不至於違其親其尊之者為如何不登高而下皆  
愛其身也○長升陳氏曰戒慎乎其所不親恐懼乎其所不  
聞不服閭也道而不徑舟而不逆不登危也父母全而生之  
子全而歸之則不苟訾不苟笑不登閭所以全其體  
全其行不登高不臨深不登危所以全其體

父母存不許友以死不有私財太



不計友以死謂不為其友報仇也親在而以身許人是有忘親之心親在而以財專已是有難親之志禮記正義曰髮膚以上皆親之體豈敢許友以死若果縶絲以上皆親之物豈敢私有其財高者輕死卑者重財皆非孝也

為人子者父母有冠衣不純素衣

禮記疏曰冠純冠飾也衣純深衣領緣也

孤子當室冠衣不純素衣

呂氏曰當室謂為父後者問喪曰童子不總唯當室絕亦指為父後者所謂不純象者雖除喪猶純素也惟當室者行之非當室者不然也  
馬氏曰孟子曰父母俱存兄弟無故一床也  
朱氏曰冠衣不純素者所以文之也孤子當室者謂適室也冠衣不純素者異於諸子也蓋父之於長子冠於昨以著代也服之三年以稀情也則嫡之於父其可以不加隆乎

幼子常視毋誑舉案

禮記疏曰視身示同常示之以不可欺誑所以習其誠也  
長子劉氏曰幼子之性純明自天未有外物生其好惡者無所學而不可成也如金之在鎔惟人所範如泥之在鈎惟人所模故視之以誠信則誠信篤其心矣  
禮記疏曰以許偽則詐偽篤故



其志矣模範之初貴得其正則五事之用靡不出於誠而適於道也哉曰幼子常示無誑

童子不衣去聲褻裳立必正方不傾聽

**呂氏**曰裘之溫非童子所宜裳之飾非童子所便立必正所向之方或東或西或南或北不偏有所向士相見礼云凡燕見於君必辨君之南面若不得則正方不亂君氣謂邪向之也**永嘉**戴氏曰常示毋誑所以養其心也不衣褻裳所以養其體也蓋不開其情偽之端以育其正性不傷其陰陽之和以長其壽命此古之成人所以多有德也夫内外交相養也防其外所以養其中也立必正方不傾聽則發以直內無傾邪之患矣

長者與之提攜則兩手奉上聲長者之手餘負劍辟辟耳二詔之則

掩口而對太

**劉氏**曰長者或從童子背後而俯首身之語則童子如負長者然長者以手挾童子於脅下則如帶劍然蓋長者俯身童子語有負劍之狀非真負劍也辟偏也呼口苟詔告語也掩口而對謂童子當以手障口氣而應對不敢使氣觸長者也**馬氏**曰就而携之則捧其手近而詔之則掩口而對者皆事長之礼也古之成人有德小子有造者豈一朝一夕之習哉蓋自幼稚而已知礼讓矣少而習之壯而行之老而安之古人年彌高而德彌高者蓋出於此也



從去聲於先生不越路而與人言本遭先生於道趨而進正立拱手

先生與之言則對不與之言則趨而退本

呂氏曰先生者父兄之稱有德齒可為人師者猶父兄也故亦除先生以師為父兄則學者自比於子弟故稱弟子  
永嘉戴氏曰禮無二敬父先生而趨路與人言則敬有所分矣趨進者恨先生之有教令也趨退者不敢與先生並行也道遇長者而引避雖足以致敬而非所以承命也長者不向之言而隨行不置亦非所謂承意也進退之際其難如此可不謹

從去聲長者而上上聲丘陵則必鄉去聲長者所視登城不指城上下

呼去聲

高而有向背者為丘平而人可陵者為陵鄉長者所視恐有問則即所見以對也城人所恃以為安固者有所指則惑見者有所呼則駭聞者曰石梁王氏曰先生年德俱高又能教通人者長者則直以年為稱也  
永嘉戴氏曰以長者升高非以遠望也所以承教也遠長者所視則志在覽物敬長之意失矣况長者欲有所問乎登高而望遠則众所駭觀自上而闕下則人所忌居十日所視十手所指之地而指畫疾呼其不驚人而感众者幾希此固君子之所戒也論語曰



車中不內屬不疾言不親指  
在車上猶不可况於登城乎

將適舍求母司

註戴氏曰施詒者誠不能無求於主人然執  
平日之所欲而必求於人則非為客之義

將上堂報必揚戶外有二履言聞則入言不聞則不入

註上堂升主人之堂也揚其聲者使內人知之也古人脫履  
在戶外客雖久脫履於戶內者惟長者一人言有二履則并  
戶內一履為三人矣三人而所言  
不聞於外心是密謀故不入也

將入戶視必下入戶奉声高視瞻毋回戶開亦開戶闔亦闔有

後入者闔而勿逐

註入戶入主人之戶也視下不舉目也高門闕木也入戶之  
時兩手當心如奉焉然雖視瞻而不為迴轉嫌於干人之私  
也闔闔皆如前不違主人之意也遂  
闔之盡也嫌於拒以末者故勿遂

毋踐履毋踏迹席振區衣趨隅必慎唯上諾矣

註履下曰舄卑下曰屨毋踐履謂後來者不可蹋先人者所  
脫之履也踏猶躐也王藻曰登席不由前為躐席是登席當



由前也。樞提也。樞衣典論語。攝齊同欲。便於坐。故樞之趨隅。由席角而升坐也。唯諾皆應。辭氣坐定。又當謹於應對也。吳郡范氏曰。將上堂。則揚吾舞。效之舞。戶外有二。舞則舞。聞於外。而後敢入。入戶。則不舉目。以遠視。拱爭當心。以向戶。廟不圓環。而四顧。皆是不欲掩人之私。其事雖小。最曲礼之要。推而廣之。有正心誠意之道焉。使心術不正者。處之必將潛舞。以升堂。直前而入。戶遠瞻。四顧為眙。所規伺之態。則其人之薄德可知矣。大抵礼以制形為用。而以制心為本。一念不正。芥於方寸者。甚微而形於舉措者。弗可掩流於放僻邪侈。而不自知。故升堂入戶。日用之常。而君子踐此如此。以心術之邪正。繫焉。

# 大夫士出入君門

由闕

魚列

右

## 不踐闕

太

闕門。樞也。當門之中。闕東為右。主人入門。而右。客入門。而左。大夫士由右者。以臣从君。不敢以賓敵主也。圖永嘉戴氏曰。君門雖遠。有君在焉。臣子烏得而不敬。出入君門。如見其君。然鞠躬屏息。不敢中立。不敢履闕。所以習其恭敬。卑下之意也。推此意也。其敢喧嘩於殿陛之間乎。見君之乘車。與君之路馬。猶不敢慢也。况入君門者乎。以此教天下。朝廷之設。猶有不肅者。况於君門乎。雖然。此大夫士自事其君之礼也。若適他國。為聘享之礼。則不送少伋。曰公事自闕。西私事自闕。東允與客入者。每門讓於客。客至於寢門。則主人請入為席。然後



出迎客客固辭主人肅客而入

禮記 肅客者欲客先入也。階為布也。○疏曰：天子五門，諸侯三門，大夫二門，禮有三辭。初曰：「禮辭。」再曰：「固辭。」三曰：「終辭。」○呂氏曰：肅客者，俯手以揖之，所謂肅拜也。禮記 永嘉戴氏曰：盛哉先王之禮也。洋洋乎宰制萬物，役使羣動，其端則起於辭。遜之心而巳。視大賓大客之禮，周旋揖遜，於其間使之起敬起人者，極其恭敬，不敢慢之心為客者，不勝其悵縮，不敢當之意，交相辭遜，退辟不皇於此，牢可以覩禮矣。

主人入門而右，客入門而左。主人就東階，客就西階。客若降等

則就主人之階。主人固辭，然後客復就西階。

禮記 入右所以趨東階，入左所以趨西階。降等者，其等列卑於主人也。主人固辭者，不敢當客之尊已也。

主人與客讓登，主人先登，客從之。拾級而上，連步以上。

於東階則先右足，上於西階則先左足。

禮記 讓登欲客先升也。客不敢當，故主人先而客繼之。拾級，階之級也。聚足後足向前，是相合也。連步，步相繼也。先右足左各順入門之左右也。禮記 張子曰：拾級聚足，此等事，但教事自至，如此非著心安排而到。



帷薄之外不趨堂上不趨執王不趨堂上接武堂下布武室中

不翔

疏曰帷幔也薄簾也接武是迹相接也○陳氏曰文者上之道武者下之道故足在体之下曰武卷在冠之下亦曰武執王不趨不敢趨也室中不翔不可翔也行而張拱曰翔○朱氏曰帷薄之外無人不必趨以示敬堂上地迫室中地尤迫故不趨不翔也藍田呂氏曰凡見尊者以疾行為敬然有不必趨帷薄之外非尊者所見可以舒其敬也有不可趨者堂上地迫不是以容步執王之重或吳於失墜也

並坐不橫肱授立不跪授坐不立

橫肱則妨並坐者不跪不立皆謂不復於受者區中陵方氏曰授立不跪者為煩尊者之俯也授坐不立者煩尊者之仰也少儀言受立授立不坐則不特授尊者而尊者授卑者亦然矣

凡為長者糞之禮必加帚反於箕上以袂掩鼻而退其

塵不及長者以箕自鄉而扱之

糞除穢也少儀云掃席前曰拊義方糞同呂氏讀為掃音然凡氣之出入噓則散吸則聚今以收斂為義則吸音為



是○原曰初持箕往時帚置箕上兩手舉箕當掃時一手  
捉帚一手長袂以拘帚於帚前且掃且近故云拘而退扱  
歟取也以箕自向歛取糞穢不以箕向尊者王氏葬曰尊  
者須是下卑而上達洒掃應對即是道德性命之理此章所  
言糞之理試体究此時此心如何其理微矣舉違問仁子曰  
居處恭執事敬與人忠雖之夷狄不可弃也學者只是說過  
試以此言踐履之体究之斯知上達之理矣聖  
人之道無本末無精粗徹上徹下即是一理

奉  
上  
席  
如  
橋

如橋如橋  
字如橋

如橋之高如對之  
手乃奉席之儀也

請席何鄉請社何趾

設坐席則問面向何方設卧席則問足向何方○  
曰坐為陽面亦陽也卧為陰足亦陰也故所請不同

席南鄉北鄉以西方為上東鄉西鄉以南方為上

朱子曰東向南向之席皆尚右西向北向之席皆尚左也  
金華邵氏曰自此至足毋踈大率有四始奉席次請席三  
布席四絕席奉席則欲順席之理次請席問其欲坐卧之地  
次布席則平常之席講問之席各有其段至就席又有就席  
之儀賓主之間  
正得不敬乎



若非飲食之客則布席席間函文

註非飲食之客則是講說之客也○疏曰古者飲食燕享則賓位在外外牆前列席南向不相對相對者惟講說之客席

之制三尺三寸三分寸之一則兩席并中間空地共一丈也

註金華應氏曰席間函丈其地寬則足以揖遜回旋而不至於迫其分也則足以致敬益禮而不至於褻

主人跪正席客跪撫席而辭客徹重席主人固辭客踐席乃

坐

註跪而正席敬客也撫以手按止之也客不敢居重席故欲徹之主人固辭則止客踐席將坐主人乃坐也

註曰主人發客故跪正席客敬主人則徹重席主敬客則客辭

客敬主則主辭賓主之禮所以答也一辭而許曰禮辭礼云

主人不問客不先舉

註席坐既定主人以客自外至當先有所問客乃答之客不當先舉言也

將即席客毋作兩手摠衣去齊尺衣毋撥反足毋



劉氏曰將就席復詳緩而謹容。父母使有失而可愧作也。仍以兩手握揭衣之兩旁使下齊。難地一尺而坐。以便起居。免有踉蹌失容也。坐後更復整疊前衣。杜母使掀開。又古人以膝坐久則膝不安而易以蹴動。坐而足動亦為失容。故戒以毋動也。管寧坐席歲久惟兩膝著處穿是足不動故然耳。

先生書策琴瑟在前坐而遷之戒勿越

疏曰坐亦跪也。弟子將行若遇師諸物或當已前則跪而迂移之。戒慎不得踰越。

虛坐盡後食坐盡前坐必安執爾顏長者不及毋僂

言

古者席地而俎豆在其前。盈後讓也。盈前恐汙席也。僂輒也。亦參錯不齊之貌。長者言事未竟未及其他少者不可舉他事為言。暫無錯雜長者之說。

正爾容聽必恭毋勦友說毋雷同必則古昔稱先王

上言執甬頽謂頽色無或度異此言正爾容則正其一身之容兒也。聽必恭亦謂聽長者之言也。擊取他人之說以為已說謂之勦說。聞人之言而附和之謂之雷同。如雷之發聲而物同應之也。惟法則古昔稱述先王乃為善耳。



氏曰書策琴瑟之為物先生之所常御也物猶加敬人可知也虛坐盈前則若欲食然故盈後以示之坐必安執爾親侍食於先生不敢解也儻言者乘人之所未及而言之也事長者必思所以下之乘其不及而儻言是欲勝故不為也正爾密聽必恭敬長者之教而不敢慢也竊人之財猶謂之盜勸取他人之說以為己有私也不以心之然不然志在隨人而雷同之亦私也上焉者雖善無微無微弗信弗信民弗從必則古昔稱先王則求其有微而使民信也民未信也吾雖自信亦不可行也

侍坐於先生先生問焉終則對

問終而後對欲盈聞所問之旨且不敢離亂尊者之言也

請業則起請益則起

請業者求當習之事請益者再問未盈之蘊起所以致敬也蓋田呂氏曰問未終而對不敬其所問也業謂所學於先生者如詩書禮乐之類是也蓋謂所問未明或欲卒學或欲少進也有所請必起敬業也敬業所以敬師敬師所以敬道也故請業請益皆不可不起也  
四陵方氏曰有所請必起者所以重道也孔子與曾參言復坐吾語汝則弟子之  
先生有所請必起可知矣



父召無諾先生召無諾唯而起

呂氏曰以恩師以道故所敬同呂氏曰諾者許而未行也長乐陳氏曰諾者應之緩唯者應之速以道則唯諾無以殊以礼則緩速有所辨故曰父召無諾先生召無諾唯而起蓋子之於父弟子之於師其敬畏之篤常聽於無拜視於無形於其所未召也常若有所召則於其召也敢諾而不唯乎内則應唯敬對事父之礼也論語曾子曰唯事師之礼也為人臣者君命召召在內不俟屢在外不俟車亦唯而起之意也

侍坐於所尊敬無餘席見同等不起

謂所尊敬謂先生長者及有德有位之人也無餘席謂已之席與尊者之席相近則坐於其端不使有空餘處近則應對審也同等之人與已無尊卑故不為之起

燭至起食至起上客起

謂燭至而起以時之變也食至而起以礼之行也上客至而起以其非同等也

燭不見現跋鉞

跋本也古者未有蠟燭以火炬照夜將盃則藏其所餘之殘本恐客見之以夜久欲辭退之也



尊客之前不叱狗

方氏曰不以至賤駁尊者之聽

讓食不唾

吐卧反

嫌於似鄙惡主人之饑也  
達尊有爵有德有齒者也侍坐無餘席欲近尊者以聽教也  
燭者童子所執燭盡則更之不以所殘之本以示人使客不敢安也  
狗於尊者之前不敢叱者嫌駁客也二者皆弟子之職故於侍坐者及之讓食之階不敢唾者嫌若嘗主人之食亦不敬也  
叩陵方氏曰侍坐於所尊敬無餘席欲其近而應對之審也尊者之坐宜不得近以欲對之審雖於所尊亦不嫌近乃所以敬也  
司等不起必已無上下之間故也  
燭至起以末卜夜故也  
食至起為盛饌變故也  
經有曰侍先生侍所尊侍君子侍長者何也曰先生以教稱之也曰所尊以道稱之也曰君子以德稱之也曰長者以年稱之也

侍坐於君子

欠伸

須充

杖屨視日蚤莫

侍坐者請出矣

氣乏則欠体疲則伸拱猶持也此四者皆厭倦之容恐妨君子就安故請退

侍坐於君子

君子

更端

則起而對

反



呂氏曰問更端則起而對者因事有所變而起發也

侍坐於君子若有告者曰少間問願有復也人原則左右屏而待

居左則屏於左居右則屏於右鄭氏曰復白也言欲復少空閒有所白也屏猶退也呂氏曰屏而待不敢干其私也  
也  
屏而待焉屏者退而自隱之謂既屏而又待者自防君子之有所召故也

毋側聽毋噉應毋淫視毋怠荒

上言聽必恭側耳以聽非恭也應答之辭宜和平高急者悖戾之所發也淫視流動邪眄也怠荒謂容止縱慢

遊毋捃執立毋跛後義坐毋箕寢毋伏

遊行也倨傲慢也立當兩足整齊不可偏任一足箕謂兩展其足狀如箕舌也伏覆也

斂髮毋髻替余

疏曰髻髮也垂如髮也古人重髮以纒韜之使垂

冠毋免勞毋袒暑毋褻裳衣



喪有喪冠吉有吉冠非當免之時不可免有袒而露其襦衣者有袒而割牲者因勞事而袒則為褻褻揭也涉淺而揭則可暑而揭其裳亦為褻藍田呂氏曰侍於君子言動視聽無所不在於敬頭容欲直故毋側所辨容欲靜故毋囁目容欲端故毋淫視氣容欲肅故毋怠荒足容欲重步容欲立如奔故毋跛坐如尸故毋箕正其衣冠故斂髮毋髡冠毋免勞毋袒暑毋褻裳曰房安搆氏曰大率人之所惡在乎徇其意之所安而不由於正人之所安其病有五曰傾邪曰放縱曰惰偷曰倨慢曰輕易此五者人之常患也曰側听曰淫視此傾邪者也曰怠荒曰立而跛曰冠而免曰勞而袒曰暑而褻裳此惰偷者也曰衆應曰斂髮而髡此輕易者也曰遠而偃曰坐而箕曰寢而伏此放縱也曰傲者而自克焉斯過半所禁也君子待身未論其他駁於此數者而自克焉斯過半矣世之妄者其言則曰君子學而發其道吾惟道之知其他皆末節也不知此乃古昔聖人之所甚急視所遊行坐立卧起衣冠之際有不飭焉而五者之病乘之故夫礼者內以正人之心而外以正其遊行視听坐立卧起衣冠之際此所以止邪於未形而求以弭亂之道也

侍坐於長者屨不上於堂解屨不敢當階

侍長者之坐於堂故不敢以屨升若長者在室則屨得上堂而不得入室戶外有二屨是也解脫也屨有綦繫解而脫之不敢當階為妨後升者



就屨跪而舉之屏兩於側

疏曰此侍者或獨暫退時取屨法也就猶著也初升時解置階側令下箸之先往階側跪舉取之故云取屨跪而舉之也屏於側者屏退不當階也

鄉長者而屨跪而遷屨俯而納屨

疏曰此明少者礼畢退去為長者所送則於階側跪取屨稍移之而向長者而著之迂徙也就階側跪取稍移近前也俯而納者既取因俯身向長者而納足著之不跪者跪則是向後不便故俯也雖不並跪亦坐左納右坐右納左

離坐離立毋往參焉離立者不出中問

方氏曰兩相麗之謂離三和成之謂參應氏曰出其中間則立者必散而不成列矣故君子謹之

男女不雜坐不同施

內則註云植者曰揮橫者曰梳如架不同中櫛不親授

嫂叔不通問諸母不漱



不通問無問遺之往來也諸母父妾之有子者赦浼也裳褻服不使淑裳亦敬父之道也

外言不入於梱外言內言不出於梱外言

梱門限也內外有限故男不言內女不言外

女子許嫁纓非有大故不入其門大故

許嫁則繫以纓示有所繫屬也此与幼所佩香纓不同大故大事也長下列氏曰夫人內政不四以防之於緇微之初不剛以正之於未然之始則其悔咎不可追矣易曰閑有家志未变也男女之志既為情邪之所变閑禁雖叩求其無咎而咎可無哉故夫婦未七十雖同藏未有可嫌也聖人制礼必兩若以無嫌正有嫌也且有情之難正無情之易也而况於男女未有家室為女子許嫁纓所以繫屬其心以著其於夫氏起其孝義也既許嫁則有姻教之处于閨內之別室男子非有疾憂之故不入其門也

姑姊妹女子子已嫁而反兄弟不與同席而坐不與同器而食

女子子重言子者別於男子也專言兄弟者遠同等之嫌

父子不同席不與同器而食



尊卑之等異也臨川吳氏曰古者一席坐四人言父子偶共一處而坐雖止一人必名坐一席蓋以父昭子穆父穆子昭尊卑不同故也

男女非有行媒不相知名非受幣不交不親

行媒謂媒氏之往來也名謂男女之名也受幣然後親交之礼分定

故日月以告君齊戒以告鬼神為酒食以召鄉黨僚友以厚其

別彼列也

日月取婦之期也媒氏書之以告于君厚其別者重慎男女之倫也馬氏曰坐則異席居不同宮者第父子之位也

礼者以為民坊也非行媒不相知名所以遠嫌也非受幣不交不親所以致敬也遠嫌致敬則交有桑中之奔潏有之乱

各戎以告之近而親者莫如鄉黨僚友為飲食以命之所以

取妻不取同姓

鄭氏曰為其近禽獸



故買妻不知其姓則卜之

圖卜其吉凶

寡婦之子非有見焉弗與為友

圖有見有能卓異也若非有好德之實則難以避好色之端  
故取友者謹之藍田呂氏曰人之所以異於禽獸者以有  
別也有別者先於男女天地之義人倫之始內則曰禮始於  
謹夫婦為宮室辨內外男子居外婦人居內疾宮固門閭寺  
守之男不入女不出所以別於居外者至矣非祭非喪不相  
受聘其相受則女受以簪其無簪則皆坐奠之而後取之不  
雜坐不通乞假內言不出外言不入所以別於往來者至矣  
道路男子由右婦人由左女子出門必擁蔽其面夜行以燭  
無燭則止御婦人則進左手所以別於出八者至矣外內不  
共井不共湔浴不通寢席不通衣裳不共梳櫛不同巾櫛不  
較縣於夫之櫛櫛不敢歲於夫之篋笥所以別於服御器則  
者至矣姑姊妹女子子夫屬也許嫁則非大有故不入其門  
已嫁而反則不與同席而坐同器而食嫂與諸母同官之親  
也嫂叔則不通問諸母則不漱裳妻之世昏姻之近屬也婿  
見主婦闔扉立于其內婿立于門外東西主婦一拜婿答再  
拜主婦又拜婿出所以別於宗族昏姻者至矣男女非有行  
媒不相知名非受幣不交不親必日月以告君各戒以告鬼  
神為酒食以召神賓僚友取妻不取同姓故買妻不知其姓



則下之寡婦之子非有見焉則弗為友所以尊別於交際者至矣男女不雜坐經雖無文然喪祭之禮男女之位異矣男子在堂則女子在房男子在堂下則女子在堂上男子在東方則女子在西方坐方當然

賀取妻者曰某子使某聞子有客使某羞食

呂氏曰賀者以物遺人而有所慶也若代以為先祖後人子之所不得已故不用乐且不賀也然為酒食以召鄉黨僚友則遺問不可齊也故其辭曰聞子有客使某羞舍曰昏禮而謂之有客則所以著者位其供具之費而已非賀也作記者因俗之名稱賀

貧者不以貨財為禮老者不以筋力為禮

應氏曰無財不可以為悅而財非貧者之所能辦非強有力者不足以行禮而強有力非老者之所能勉  
呂氏曰君子之於禮不責人之所不能備貧者不以貨財為禮是也不責人之所不能行老者不以筋力為禮是也  
禮者敬而已矣心苟在敬財力之不足非禮之訾也  
漢行行源可薦於鬼神瓠葉免首不以微薄席此不以貨財者也  
五十杖於家至一坐再至此不以筋力者也  
又有法之所不得為者有疾而不能行者臨難而不得已者土地之所不有者君子亦不責也  
孟子曰請數月之喪雖加一日愈乎已也  
季子儲子皆以幣交他日孟子見季子而不見儲子以季子不得



之鄉儲子得之平陸故也如季子王子者法之所不得為者也喪礼禿者不鑿樞者不袒跛者不踊此有疾而不能行者也男女不授受嫂溺則援之以手君子正其衣冠同室有閭則被髮纓冠而救之此臨難而不得已也居山者不以魚鼈為礼居川者不以鹿豕為礼此土地之所不有也凡此皆礼之变也

# 名子者不以國不以日月不以隱疾不以山川

國常語易又則避諱為難故名子者不之用國王氏子墨口名子父之責也命之名所以示之教也以國非所以教識也以日月非所以教敬也以隱疾非所以教之進乎德也以山川非所以教之求諸已也命名而必示之教中繩所謂以德命為義者也雖古人之名其子或有所因不盡若是而曲礼之意蓋主乎以德命也又况以諱事神周道也名祭而將諱之得不擇夫可諱者以名之手子生三月而父名之既以教其終身而又慮其子若孫之難避也不亦太早計乎非早計也君子之所以示其子孫無非為其遠之慮也於名而慮其遠如是則將無所不慮乎遠也以為鬼神而諱之多且百年少亦數十載之後矣而其諱之難易基於一日命名之初是以君子之於子孫無非於其始而謹之也求名而謹其始始是則將無所不謹其始也是曲礼之意也

## 男女異長



各為伯仲示不相干雜之義也

男子二十冠而字

冠而字之敬其名也

父前子名君前臣名

呂氏曰事父者家無二尊雖母不敢以抗之故無長幼皆名不敢致私敬於其長也事君者國無二尊雖父不敢以抗之故無貴賤尊卑皆名不敢致私敬於其所尊貴也春秋鄆陵之戰棄書欲載晉侯其子鍼曰書退此君前臣名雖父亦不敢抗也長陳氏曰家無二長故父前無伯仲之稱國無二上故君前無爵位之稱

女子許嫁笄而字

許嫁則十五而笄未許嫁則二十而笄亦成人之道也故字之王氏子墨曰長者伯仲叔季之字也男子伯仲叔季之序達於四方女子之長少則不出閨闈而已其各為長宜也冠成人之服也自成童至於成人矣其可不敬其名乎於是父而字之亦宜也夫成人則人以字稱我矣則人之名非我所當名也又况有長幼之序貴賤之別其可名之哉而有時乎名之者君父之前尊有所伸則私有所屈也一家之尊無有加於父也父之前無長幼皆名之不敢致私敬於其長



也天下之尊無以加於君也君之前無貴賤皆名之不設致私敬於其所貴也女子之笄猶男子之冠閨門之內亦當敬其名不言許嫁之年不可以預定也聖人之制禮未嘗不謹其微也男女之別居有堂室之分衣有袷袷之異不以爲內外之辨亦至矣而必異其長以明其無所不嘗別異也聖人之慮蓋微也冠礼初醮而三加猶懼其幼忘之未弄言字之間若未容遽示以所敬也而必敬其名者以爲少長之礼於是乎分也字之以別少長聖人之慮蓋微也晨昏之礼行於家朝觀之礼行於國登降拜俯趨進應對之節截乎其間矣父子家庭之言君臣燕閒之際或不名其兄弟同列之名若未害也而聖人之意以爲君父之前而不名其兄弟同列則於臣子之敬有所未足也聖人之慮蓋微也男女雖異而伯仲之序可以同者必吾同氣之兄弟也以吾同氣之兄弟而猶不與之同其長則男女之別可不致其如哉冠而見字所以責成人之礼備也夫人且將敬我矣我可不思所以自敬乎可不慎不足以得人之敬乎侍父侍君語之及乎他人者猶必謹而名之而畏乎語之誤也則兢々慄々之念豈容不加乎起敬起孝之誠豈容不至乎然則聖人之謹其微所以愛天下後世者深矣

凡進食之禮左殽右載側吏反食副居人之左羹居人之右膾炙

初處外醯醬處內蔥醢喬處末酒漿處右以脯脩置者左朐飴



右末末

肉帶骨曰胾。然肉切曰胾。骨剛故左。肉柔故右。飯左羹右。今燂也。膳炙。異饌故在飯前。之外醢醬食之主。故在飯前。之內蔥醢。蒸葱亦醢類。加豆也。故處末。酒漿或酒或漿也。處羹之右。若無設則左。酒右。漿左。○疏曰。脯訓始。始作即成也。脩亦脯。脩訓治。治之乃成。薄析曰脯。捶而施薑桂曰脩。脩謂中屈也。左胸胸置左也。脯脩處酒左。以燂為陽也。○呂氏曰。其末在右。便於食也。食脯脩者先末。○陵方氏曰。食以六。鄭為主。穀地產也。所以作陽德。故居左。羹以六牲為主。牲天。產也。所以作陰德。故居右。

客若降等執食與辭主人興辭於客然後客坐

降等謂爵齒卑於主人。主人也不敢當主賓之禮。故食至則執之以起而致辭於主人。主人見客起辭。故亦起而致辭於客。客乃復就其坐也。

主人延客祭祭食所先進穀之序徧祭之

古人不忘本。每食必每品出。許置於豆間之地。以報先代始為飲食之人。謂之祭。延導之也。祭食之禮。主人所先進者。則先祭之後進者。後祭各以爵之次序而祭之。編也。○朱子曰。古人祭酒於地。祭食於豆間。有板盛之。卒食徹去。長



斥陳氏曰古者於饗則祭先炊於牙則祭乐祖將射則祭侯  
用大則祭司蜡用醴則祭先卜養老則祭先老於馬則祭馬  
祖馬祖於田則祭先畱司畱於粍則祭先  
聖先師凡此不忘本也又况飲食之間哉

三飯主人延客食載然後辯穀

疏曰三飯謂三食也禮食三殮而告飽須効乃更食三飯  
竟而主人乃導客食載也公食大夫礼云賓三飯以清醬鄭  
云每飯歌清以穀搗醬食正饌也所以至三飯後乃食載  
者以載為加故三殮前未食食載之後乃可徧食穀也

主人未善客不虛口

疏曰虛口謂食竟而飲酒蕩口使清潔及安食也用漿曰  
漱以潔清為義用酒曰酌訓演之義其氣也王氏子墨  
曰穀之序徧祭之則自穀之外蓋有不祭者如魚腊醬酒非  
食之咸可以無祭也此批卑客故一所命於主人食至則必  
與辭以祭則不敢先舉以載則不敢先号穀之徧不敢先飽  
若敵客則不然矣雖然礼無惡乎遇厚賓主既設其勢必有  
所先以敵者而施是礼焉其誰曰不可而况賓主燕食客問  
恩意相接客之謙惟恐先乎主人而主人之厚待之惟恐有  
所不足也非客揖遜愛敬有餘較之公食大夫之礼  
尊卑不至截然盖得礼之中者也孰得而少之哉

侍食於長者主人親饋則拜而食主人不親饋則不拜而食



計饋進饌也。方氏曰：凡以稱禮之施而已。

共食不飽，共飯不澤手。

呂氏曰：共食者，所食非一品，共飯者，止飯而已。共食而求飽，非讓道也。不澤手者，古之飯者以手舐人，共飯摩手而有汚澤人將惡之而難言。

毋搏飯，毋放飯，毋流歔。

毋搏者，疏云：若取飯作搏，則易得多，是欲爭飽也。朱氏曰：放謂食之放肆而無所節也。流謂飲之流行而不知止也。

毋啗食，毋齧骨，毋反魚肉，毋投與狗骨，毋固獲。

啗食謂當食而叱啗，疏云：以舌口中作弄，毋啗恐似於氣之怒也。毋齧，啗其舞之間也。毋反魚肉，不以所餘反於器。鄭云：謂已歷口人所穢也。毋投與狗骨，不敢賤主人之物也。求之堅曰固，得之難曰獲，固獲謂必欲取之也。

毋揚飯，飯上黍，毋以箸飭。

揚謂以手散其熱氣，嫌於欲食之急也。毋以箸貴其七之便也。

毋還塔羹，毋絮羹，毋刺羹，毋歔醢，客絮羹，主人辭不



能享烹客烹歠烹醢烹主人辭以寡其羽矣

註羹之有菜宜用挾不宜以口還取食之也絮匙器中調和也口容止不宜以物刺於齒也醢宜鹹歠之以其味淡也客或有絮羹者則主人以不能烹飪為辭客或有歠醢者則主人以貧寡乏味為辭

濡肉令決也乾肉也不齒決也毋噉楚怪炙亦

註濡肉穀藏之類乾肉脯脩之類決斷也不齒決則當治之以手也○疏曰火灼曰炙若食炙不一舉而併食併食之曰噉是貪食也○註疾安游氏曰聖人知夫人之大欲在夫飲食也而致詳於飲食之利終食之間而人之賢不肖可得而知也貪也犯人之所惡也薄主人之飲食也辭客之不敬也所謂小人之情狀畢見於此矣聖人之教不待其已嚴於大惡而後正之也待其大惡而正之則無及矣故夫起居飲食之間而為之禮焉聖人之用意微矣○馬氏曰君子於觴酒豆肉之間未嘗不致謙而齊庶也

卒食客自前跪徹飯去聲齊反西以授相去聲者主人興辭於客然

後客坐不

註自以也齊醬屬也飯各皆主人所親設故客欲親徹此亦謂降等之客耳徹者不親徹也○註藍田呂氏曰凡此容止之



節氣若繁縟而難行然大人成德動容周旋中禮則於斯也不待學而自中若夫學者將學於禮必先從事於節文之間安於是不而不悛煩則其德為庶幾矣茲禮文之所以不可簡也

侍食於長者酒進則起拜受於尊所長者辟少者反席而飲長

者舉未爵少者不敢飲矣

**尊**所置尊之所飲益爵曰酌呂氏曰古之飲酒貴賤長幼無不及鄉飲之禮堂下之賓斥工及笙無不與獻時牲饋食禮賓兄弟弟子公有司私臣無不與獻其獻也皆主人親酌授之此侍飲者亦長者親酌授之所以有拜受于尊所之節也惟燕禮以宰夫為獻主故君不親酌鄉飲射饋食禮皆尊于房戶之間賓主共之也燕禮大射皆尊于兩楹之西尊面內君君尊之也燕禮鄉飲禮皆不云拜受於尊所以禮亦侍飲異也王氏曰禮莫如於少長之分至於飲食之際尤人情之所易縱故記禮者必致其委曲焉一飲之頃少之所以事長者如此其至凡所以習人敬順之心於平居無事之時彼其瀆尊犯今之念何自而有哉經曰禮之教化也微其止邪也於未形之謂也

長者賜少者賤者不敢辭矣

**辭**而後受賓主平交之禮非少賤事尊貴之道長長亦陳氏曰上之賜也以恩下之受也以義義之所可雖長者之賜



不敢辭義之所不可  
雖君之賜有所不受

賜果於君前其有核者懷其核令反

敬君賜故不敢弄核

御食於君君賜餘器之概者不寫其餘皆寫令反

鄧食於君者君食而臣為之功侑也君以食之餘者賜之若陶器或木器可以沈滌者則即食之或其冠是崔竹所織不可沈滌者則傳寫於他器而食之不欲口澤之漬也  
嘉戴氏曰果核餘物也不收弄君之餘冠用微物也不收同君之冠所以習臣子恭順之心於人情慢易之際也

餼俊餘不祭父不祭子夫不祭妻太

尸餼鬼神之餘臣餼君之餘賤餼貴之餘下餼上之餘皆餼也此謂助祭執事或為尸而所得餼之餘肉以歸則不可以之祭其先雖父之尊亦不以祭其子夫之尊亦不以祭其妻以食餘之物襲也一說此祭是每食必祭之祭食人之餘及子進饌於父妻進饌於夫皆不祭而食蓋敬主人之饌故祭而後食食人之餘而祭則襲施於卑者則非尊者之道

御同於長者雖貳不辭偶坐不辭反



諡御侍也貳益物也侍食者雖獲穀饌之重而不辭其多者  
以此饌本為長者設耳偶者配偶之義因其有賓而已亦偶  
配於坐亦以此席不專為已設故不辭也馬氏曰禮者施  
報而已主人之禮在我也不辭之非禮也主人之禮不在我也  
辭之亦非禮也子貢主伯高之喪孔子語之曰為爾哭也來  
者拜之知伯高而來者弗拜也為此同義○藍田呂氏曰御  
同於長者侍於長者也偶坐者因彼有賓也辭遂行之義者  
也辭其所當辭然後成其美也如不有其義不當其物則其  
美者適所  
以為病歟

羹之有菜者用枲類其無菜者不用枲

枲校箸也無菜者計而已直齋之可也藍田呂氏曰事之  
細者猶各求其所宜則先王之謹於禮可知矣○山陰陸氏  
曰教之如此  
可謂至矣

為去天子削瓜者副反普逼之巾以締為為國君者華之巾以綌

隙為大夫累力果之士帝帝之庶人反之矣

疏曰削刊也副析也締細葛也刊其皮而析為四解又橫  
解而以細葛巾覆之而建也華半破也給廢葛也諸侯禮降  
故破而不四析亦橫斷之用廢葛巾覆之而建也爾雅瓜曰  
華之郭璞云食咲治擇之名累保也不巾覆也蓋謂脫花外



寔之者去寔而已此齧也此之不橫斷也此等綴不同非謂  
 平常之日當是公庭禮會之時○列氏曰大夫以上皆曰為  
 者有司為之也士庶人不曰為者自為之也○方氏曰中以  
 緇絀者當暑以涼為貴也○李氏曰先王制禮于人情之所  
 欲者若之無不備故翦咽皆有官于人情之所不能免者治  
 之無不盡故削爪猶有制然後使後世無以加也○永嘉戴  
 氏曰一爪之微橫斷中裂何處於尊卑而聖人猶拳拳若此  
 焉天下之事微之不致忽者所以為大之必謹也削爪者其  
 比若此由是而推之庶人其有食侯食者乎庶人不敢食侯  
 食臣下其有侔福威而王食者乎此聖人制禮之微意也

父母有疾冠者不櫛行不翔言不惰徒牙琴瑟不御食肉不至  
 變味飲酒不至變貌笑不至矧怒不至詈力智疾止復故矣

此言養父母疾之礼不櫛不為飾也不翔不為容也不惰  
 不及他事也疏謂情訛不正之言琴瑟不解以無承意也猶  
 可食肉但不至厭餒而口味爽耳猶可飲酒但不至醺醺而  
 頰色變耳齒本曰矧笑而見矧是大笑也怒罵曰詈怒而至  
 詈是甚怒也皆為忘憂故戒之復故復常也長樂陳氏曰  
 儀礼曰疾者各養者皆各則自行不翔以至怒不至詈皆各  
 之事也然此亦中人之制孝子疏節也文王行不能正復不  
 制不翔而已色憂不特言不惰笑不至矧而已一飯亦一再  
 飯亦不再不特食肉飲酒不變味爽兒○王氏曰父母有疾而  
 致其憂此子職所當然也聖人猶必為之委曲以制礼者蓋



以人情有過有不及焉約之以礼庶手歸之于中也○叩陵方氏曰言冠首別於童子冠則有時而不擲可也童子則無冠矣無時而不擲焉此所以止言冠者不擲也以憂親之疾而忘其身之飾故也言不情則以憂勤而不敢情也琴瑟不御者不以所乐而忘所憂也乐必以琴瑟為言若蓋常御之乐土無故則不去故也物有常味也食肉多品則為爽味人有常兒也飲酒過量

### 有憂者側席而坐有喪者專席而坐

**有憂者側席而坐**謂親疾或他禍患側獨也獨坐一席不設待賓之席為有憂也一說側席謂偏設之度於正席也亦通專單也貴賤之席各有重數居喪則否○呂氏曰專席不旁人共坐也張子曰有憂者未安故側席喪已然者坐無容故專席○王氏曰側席勿依礼所謂側殺側受醴之側同專席勿郊牲牲所謂專席而酢之專同

### 水潦降不獻魚鼈

**水潦降不獻魚鼈**水潦魚鼈易得不貴故不獻

### 獻鳥者佛其首畜鳥者則勿佛也

**獻鳥者佛其首**佛謂捩轉其首恐其喙之害人也畜者不然順其性也



二亦言卷一  
獻車馬者執策綬也

疏曰策是馬杖綬是上車之繩車馬不上於堂但執策綬呈之則知有車馬

獻甲者執冑獻杖者執末也

疏曰甲冑也冑兜鍪也鎧大兜鍪小小者易舉執以呈之耳杖末挂地不淨故執以自向

獻民虜者操右袂也

疏曰民虜征伐俘獲之人也持其右袖所以防異心

獻粟者執右契獻米者操量鼓也

疏曰契者兩書一札同而別之右者先書為尊鼓量器名也米云量則粟亦量粟云契則米亦書但米可即食為急故言量粟可久儲為緩故云書書比量為緩也

獻孰食者操醬齊也

疏曰醬各為食之主執主末則食可知如見於醬必知獻魚膳之類

獻田宅者操書致也



書致謂詳書其多寡之數而獻之於人也。田宅皆屬於公，非民所得而有。而此云獻者，或上所賜予，可為已有者，如永地之屬，故可獻。獻則獻魚鼈，必視其時也。獻鳥者，佛其首，畜鳥者，則勿佛。則獻鳥必視其性也。獻車馬以至於田宅，皆有所報，則奉其要也。

凡遺人弓者，張弓尚筋，弛弓尚角。右手執簫，左手承弣，以尊

果垂脫。若主人拜，則客還旋辟，闕辟，避拜。

弓之体角內而筋外，尚使之在上也。皆取其勢之順也。簫稍末也。疏云：刻之著斜似簫，故名弣。中央把處也。脫，佩巾也。客主尊卑相等，則授受之際，皆稍磨折而見其悅之垂也。此時弓尚在客手，故不容答。主人之拜而少逡巡，延以避之，辟猶開也。謂難其所立之處。呂氏曰：下於上曰獻，上於下曰賜。敵者曰遺。

主人自受由客之左，接下承弣，鄉聲與客並，然後受矣。

自受者，以敵客不當使人受也。由左也。从客左邊而受，則客在右矣。於是主人卻左手以接客之下，而承其弣，又覆右手以捉弓之下頭而受之。此時則主客並立而俱向南也。方氏曰：賓主異等，則授受異向。此賓主敵，故鄉而客並也。金華邵氏曰：獻車馬，獻甲冑，獻民虜粟米，孰食田宅，其事若重於弓矣。然數者皆不著其儀，獨於一弓之授受，必謹焉者。



蓋古者射以規德而弓者規德之具也於授受而不謹則異時執弓挾矢支左屈右必有失其儀者此聖人所深慮也○馬氏曰禮曰主佩璽則臣佩委明尊卑倫仰之異也言尊卑垂悅而無上下之異者蓋賓主授受之禮非臣主之際也佩之有悅者以自清潔詩曰無感我帨兮戒非禮之污其清潔也

進劍者左首

疏曰進亦遺也首劍拊環也客在右主人在左劍首為首以尊處右主人也假令對授則亦左首首尊左亦尊為宜也

進戈者前其鐔在困後其刃

疏曰戈鉤子戟也刃當頭而利鐔在尾而鈍不以刃投敵也

進矛戟者前其鏃

疏曰矛如鋌而三廡戟今之戟也鏃為矛戟柄尾平底以平向人敵也亦應並授不云左右而云前後者互文也若相

對則前後也若並授則左右也

進几杖者拂之

拭去塵也



效馬效羊者右牽之占

註效陳獻也以右手牽之為更

效犬者左牽之占

註以右手防其齧噬

執禽者左首占

註禽鳥也首尊主人在左故橫捧而以首授主人

飾羔鴈者以續會占

註飾覆者也畫布為雲氣以覆羔鴈為相見之觀也

受珠王者以掬占

註謂以兩手共承之也

受弓劍者以袂占

註謂以衣袂承接之不露手也



飲玉爵者弗揮矣

謂不可振去  
餘瀝恐失墜

凡以弓劍苞苴簞筭問人者操以受命如使之容矣

苞者苞裹魚肉之屬苴者以草藉器而貯物也簞圓筭方皆竹器問遺之也使者受命之時操持諸物即習其威儀進退如至彼國之儀容也金華應氏曰自獻魚鼈至於效犬執禽皆細別其獻物之宜而一物必有一儀也自飾羔雁至於飲至爵又畧序其飾物之文而重其物必重其禮也終則總之曰凡以弓劍苞苴簞筭問人舉其凡以該上文所列之目也蓋曰獻曰遺曰進曰效雖不同而皆所以為問也當其受命主人之時物雖未至於所遺之家而其操執有儀已若易之相為揖遜周旋而無愧乎使者之容矣藍田呂氏曰進者以物供尊者之用非獻也效者致之尊者之前使之見非進也劍也戈也矛戟也三者皆兵也進兵者後其刃敬也少儀曰凡有刺刃者以授人則避刃是也拂之者去塵以進之敬也少牢饋食主人左手縮之以右袂進拂凡三右手攬執几進授尸于筵前此進几之儀羊馬豢畜之獸馴而易制故右牽之便也少儀牛則執紉馬則執勒皆右之犬雖豢畜然或非其主或者噬人之患故左牽以右手制之如臣虜之比也少儀云犬則執紉執禽者左手謂擊也禽擊君卿執羔大夫執雁士執雉庶人執鶩工商執雞是也士相見礼云摯



冬用雉夏用鴈左頭奉之飾羔雁以續者以續飾其布也弓  
劍籍之以袂文也弓劍比於珠玉不慮其失墜故得益其文  
也玉器宜謹故弗揮聘禮曰小聘曰問問者久不相見使人  
問安否以講好也義如諸侯之相聘禮則設之也詩云之子  
之順之雜佩以問之如弓劍苞苴簞筭皆可以問人者也弓  
劍玩好也苞苴魚肉果實也書曰厥苞橘柚勿曰苞有魚詩  
曰野有疾麕白茅色之是也簞論語一簞食  
是也筭以盛衣裳書云惟衣裳有筭是也

凡為君使者已受命君言不宿於家

即受命

君言至則主人出拜君言之辱使者歸則必拜送于門外

至則拜命歸則拜送皆敬君也

若使人於君所則必朝服而命之使者反則必下堂而受命

呂氏曰使人於君所不下堂反則下堂受命者始以已命往終以君命歸故使者反而後致其敬往則否也  
氏曰為人臣者無以有已故將軍受命之曰則忘其家臨軍誓眾則忘其親援將而鼓則忘其身然則為君使者豈異是哉此聘禮所以言釋幣遂行此所以言不宿於家也大夫見於國君國君拜其辱况君言至乎孔子問人於他邦每拜而



送之况使人於君所乎言朝服而命之則知拜辱拜送亦朝  
服也言拜辱拜送則知朝服而命之亦拜之也拜送於門外  
則拜辱亦門外也○吳郡范氏曰人君所以為國者恃其命  
今足以鼓舞羣下而已命令重則其政舉命令輕則其事墮  
人臣敬君之命如雷霆之不敢侮蓋以吾君之所以為國者  
在焉故曲礼序尊敬君命之說為尤詳朝受君言夕舍於郊  
非必使事如此其急也不敢慢君之命也使君以君言至出  
而拜迎出而拜送非拜使者也拜君之命也使君以君言至出  
其往則朝服而遣之其反則下堂而受之非即使者也即君  
之命也人君深居九重之中而動化萬里之外命令所至奔  
走奉承其震動如此是以聖王兢兢業業不敢忽於出令審  
之而勿輕恭守之而勿輕變使天下致敬而取則觀聽不惑  
而後治功可成也

博聞強識而讓敦善行而不怠謂之君子

傳聞強識而讓所謂有若無實若虛者敦善行而不怠所  
謂孝人為善者皆君子道也○陳氏曰聞識自外入善行由  
中出自外入者易實故外之以勤  
虛由中出者易倦故消之以勤

君子不盡人之歡不竭人之忠以全交也

呂氏曰益人之歡竭人之忠皆責人厚者也責人厚而  
莫之應此文所以難全也歡謂好於我也忠謂盡心於我也



好於我者望之不淡益心於我者不要其必哉則不至於難  
繼也禮記安游氏曰多能者常失於傲而自矜為善者常失  
於苟有得焉而止今也博問強識而居之以讓敦善行而加  
之以不怠謂之君子宜矣益歎竭忠莊疏說亦通古之聞礼  
者於衣服飲食辭讓之際固有取於此然不止於此也其人  
於已所求欲以承命則其求宜有所止求而不止則歎有時  
而窮故其人之歎不可求之以益也其人於已所望益忠竭  
誠然所望當有所止苟望之而不止則忠有時而竭故其人  
之忠不可使至於竭也益人之歎如吳公求王於吳叔吳叔  
既獻之而又求其室劍故吳叔遂伐吳公此益人之歎也楚  
共王歸知罃而問何以報我知罃不應而楚子責以必報不  
穀是竭人之忠也如古注之說則不益人之歎若管敬仲之  
承飲而不繼以燭是矣不竭人之忠若孔子出行不假兩且  
於子夏是矣君子之於人交所以貴辭貴讓貴有節貴不迫  
於人不干掩人之私皆所以不益歎不竭忠之意也詩曰求  
無已記曰不大望於民傳曰舜不窮其民言其望於民者可  
小而不可大可使有餘而不可使至於窮古人之道大槩如  
此不獨於  
礼為然也

禮曰君子抱孫不抱子此言孫可以為王父尸子不可以為父  
乃為君尸者大夫士見之則下之君知所以為尸者則自下之



尸必式乘必以几

疏曰祭天地社稷山川四方百物及七社之屬皆有尸外神不問同姓異姓但卜之吉則可為尸祭勝國之社稷則土師為尸惟祭殤無尸○呂氏曰抱孫不抱子古礼經語也曾子問曰孫幼則使人抱之抱孫之為言生於孫幼且明尸必以孫以昭穆之同也古之祭祀必有尸尸神象也主人之事尸以子事父也尸必筮求諸神而不敢專也在散論之日或道遇之故有為尸下之礼大夫士言見君言知者蓋君或不能盛識有以告則下之致其敬也尸不下君而式之者廟門之外尸尊未全不敢亢礼而答之故式之而已方礼而答則下之矣如在廟中主人拜無不答也古若庫中以式為敬式車前橫木也馮之以礼人首必小俛以是為敬式視馬尾倚首之節也凡尊者所馮以養安也故尸之乘車用之

齊者不樂不弔

呂氏曰古之有敬事者必各各者致精明之德也斥則散哀則動皆有言於各也不斥不弔者全其各之志也○方氏曰君子則指所祭之主也凡為尸者不必皆幼必曰抱以見礼之所在不以幼而齊也且尸於所祭之主固為孫行然於至祭之人則子行也父北面而事之又所以明子事父之道焉祭統言見父子之倫者意在乎此下謂在車則下之也必曰為君尸者則知非為君尸者有所不下之矣君知所以為尸者則自下之者畢記所謂當其為尸則弗臣是也焉



式謂之式猶執杖謂之杖也致齊將以致祭也故不以哀  
貳其心至於祭則曰哀以迎來哀以送往何也齊之所謂哀  
牙者以防外物為主祭之所謂哀者以益內志為主惟能  
防外物之哀故能益內志而示神之來惟能防外物之哀故  
能益內志而哀神之往齊之哀而示神不哀乃所以致祭之哀而示神不哀

居喪之禮毀瘠不形視聽不衰升降不由阼階出入不當門隧

門隧門之中道也○疏曰居喪許巽瘦不許骨露見骨為形之主故謂骨為形○呂氏曰先王制禮毀不滅性毀瘠形視聽衰幾於滅性送死之大事且將齊而莫之行則罪莫大焉不由阼階不當門隧執人子之礼而未忍齊也

居喪之禮頭有創則沐身有瘍則浴有疾則飲酒食肉疾

止復初不勝升喪乃比於不慈不孝

沐浴而飲酒食肉以權制者也故疾止則復初○朱子曰下不足以傳後故比於不慈上不足以奉先故比於不孝

五十不毀毀六十不毀七十唯衰麻在身飲酒食肉處於內

五十始衰故不極毀六十則又衰矣故不可毀七十之年去灰不遠畧其居喪之礼者所以全其易益之期也○方氏曰毀瘠不形慮或至於滅性故也居喪之礼雖哭泣無時然不可以過表而喪其明焉雖聞亦不牙然不可以過哀



而曠其聰焉視聽哀則不足以為當事也雜記言視不明所  
不聰君子病之者以此前言為人子者居不主與行不中道  
及其居喪則升降不由阼階出入不當門隨者事死如事生  
也七十則衰麻之外与平居無以異飲酒食肉則不必有疾  
處於內則不必居門外之倚庐也

### 生與來日歿與往日

醫方猶數也成服杖生者之事也數歿之明日為三日歿殯  
歿者之事也以歿日數之為三日是三日成服者乃歿之第  
四日也  
醫永嘉戴氏曰歿者日遠生者日忘聖人念之故三  
日而殯歿者事也以往日數三日而食生者事也以來日數  
其情哀矣聖人察於人情之故而致意於一日  
二日之間以此教民而猶有朝祥暮歌者悲夫

知生者弔知歿者傷知生而不知歿弔而不傷知歿而不知生  
傷而不弔矣

醫方氏曰不知生而弔之則其弔也近於誦不知歿而傷之則  
其傷也近於偽○應氏曰弔者礼之恤字外傷者情之痛於中

弔喪弗能賻附不問其所費問疾弗能遺聲不問其所欲見人  
弗能館余不問其所舍余



臨以貨財助喪事曰賻此三事不能則皆不問者以徒問為可愧也臨川吳氏曰不問其所費不問其所欲不問其所舍思惠而實不至○山陵方氏曰表記言有客不能辭不問其所舍則知人謂行人矣儒行言孔子至舍哀公館之者以此

賜人者不曰來取與人者不問其所欲矣

臨賜者君子與者小人○朱氏曰君子有守必將之以禮故不曰來取小人無厭必節之以禮故不問其所欲

適墓不登壟助葬必執紼

臨壘墳堆也登之為不敬紼引棺索執之致力也

臨喪不笑

臨以哀為主

揖人必違其位

臨出位而揖禮以變為敬也

望柩不歌入臨不翔當食不歎

臨不歌有不笑義同臨哭也不翔不為容也唯食忘憂非歎所也



鄰有喪春不相去聲

五家為鄰相者以音聲相助相蓋春人歌以助春也

里有殯不巷歌適莫不歌哭日不歌

二十五家為里巷歌歌於巷也

送喪不由徑送奠不辟避塗潦臨喪則必有哀色執紼不笑

不由徑不苟取其速也不避塗潦嫌於憚勞也

臨樂不歎

亦為非歎所也

介冑則有不可犯之色故君子戒慎不失色於人

此章自揖人必違其位當食不歎臨樂不歎介冑則有不可犯之色四句之外皆是凶事之札節記者詳之如此每岁

戒慎則無失札之愧不但不可失介冑之色而已

氏曰壘非所登也助奠執紼必有事也弔於葬者必執引若以柩及葬皆執紼諸侯之札曰寡君有宗廟之事使一个老其相執紼則助奠者雖諸侯亦執紼也臨喪非笑所也望柩



不歌如臨喪不笑也。無服之喪至誠惻怛當如天下同之。况鄰里乎？相者。春人歌以助。春也。適墓不歌如望柩不歌也。送喪不由徑不欲速也不避塗潦不擇地也。哀在乎此則忘乎彼也。執紼不笑猶臨喪不笑也。當食不歎猶臨樂不歎也。臨喪則必有哀色。介冑則有不可犯之色。色必稱其服情必稱其色。內外相顧所謂不失色於人也。○馬氏曰：喪以執事為礼。故送喪不由徑。送葬不避塗潦。傳曰：所乐而憂猶有憂而乐。君子之乐憂各有當。故臨乐不歎。兵車者以威克愛也。以威克愛則服必稱情。容必稱服。故戎容暨暨介冑有不可犯之色者以此也。礼曰：服其服則文以君子之容有其容則文以君子之辭。遂其辭則實以君子之德。德稱容容稱服則民望其容。兒瞻其顏色而喻其德矣。故君子戒慎不失色於人。

國君撫式

大夫下之

大夫撫式

士下之

禮不下庶人

系

大夫撫式

士下之

禮不下庶人

系

大夫撫式

士下之

禮不下庶人

系

國君撫式大夫或同途而出君過宗廟而式則大夫下車士於大夫猶大夫於君也。庶人卑賤且貧富不同故終不言庶人之礼。古之制礼者皆自士而始也。先儒云：其有事則假士礼而行之一說。此為相遇於途君撫式以礼大夫則大夫下車大夫撫式以礼士則士下車庶人則否。故云礼不下庶人也。○哀安瑞氏曰：庶人不廟祭則宗廟之礼所不及也。庶人徒行則車乘之礼所不及也。庶人無燕礼則酬酢之礼所不及也。庶人見君子不為容進退遑走則朝廷之礼所不及也。不下者謂其不及也。



刑不上大夫

大夫或有罪以入說定之說所不赦則受刑周官掌囚凡有爵者與王之同族奉而適甸師氏以待刑殺而此云不上大夫者言不制大夫之刑猶不制庶人之禮也周禮曰周官司寇有說貴之辟宗伯不以象示民亦此意也然周官以禮俗馭其民則禮非不下庶人也要之以治貴者為主有甸師氏則刑非不上大夫也要之以治賤者為主夫之下庶人之上者則士而已王制言禮樂造士則禮及乎上矣舜典言扑作教刑則刑加乎士矣

刑人不在君側

人君當近有德者又以慮其怨恨而為變也閹弒餘祭刑人在側之禍也藍田呂氏曰庶人愚且賤者也不可以待君子之事責之大夫賢且貴者也不可以待小人之法辱之故古之制禮皆自士始庶人則畧而已大夫有罪非不刑也入說所不赦則刑于隱者周官掌囚所謂凡有爵者王之同族奉而適甸師氏以待刑殺是也古者刑人皆遠墨者使守門閹刑者使守圜髡者使守積刑人而在君側輕身之道也

兵車不式武車

疏曰兵車革路也尚武猛無推讓故不式武車亦革路也取其建戈刃即云兵車取其威盛即云武車也旌車止旌楮



也尚威武故舒散若垂綬然至金象木四路不用兵故曰德  
車德美在內不尚赫奕故纏結其旌於竿也長陳氏曰  
武欲有為以顯仁政綬旌德欲垂為以藏用故結旌考之於  
詩車攻曰悠悠旌旌出車曰彼旌旌斯胡不旌旌六月曰白  
旌央央長綬曰武王載旌凡此言兵車之所建故皆曰旌以  
其綬旌故也虞燦曰言觀其旌采菽曰其旌濯濯洋洋水曰其  
旌采菽載見曰龍旂陽陽闕宮曰龍旂承祀凡此言德車之  
所建故不曰旌以其結旌故也春秋傳曰辛未治兵建而不  
旌王申旌之是武車之旌以綬為主也周官王乘以朝謂之  
道車而此謂之德車是朝祀賓封之車以德為主故也○庚  
安游氏曰古之制礼者有屈伸之義當其伸也於人無所屈  
當其屈也於己有所不伸夫有美而見之恭也隱之謙也棄  
車而不式泰也式敬也君子於己德之美常隱常謙而於人  
也無往不敬焉今夫德車結旌所以為謙也盛服而襲所以  
為臨也君子之道有所自足於內則無待乎外汲汲以求見乎  
其外故其敬人也常謙常敬常儉常遜有若無實若虛此礼  
亦之至文所久而生也此由於於所當屈而以屈為礼焉若夫  
旌兵車獨垂綬其旌服他服則皆有溫然之容而介冑獨有  
不可犯之色當常人以拜為敬獨介冑以不拜為敬此由於於所  
當伸而以  
伸為礼也

史載筆士載言



疏曰不言簡牘而曰筆者筆是書之主則餘載可知言謂  
盟會之辭旧事也○方氏曰史国史也載筆將以書未然之  
事載言欲以  
閱已然之事

前有水則載戴青旌

疏曰王行宜警備故前有旌異則  
舉類示之青旌者青雀也是水鳥

前有塵埃則載鳴鳶

疏曰鳴鳶也鳴鳴則風  
生風生則塵埃起

前有車騎則載飛鴻

疏曰鴻鴈也鴈飛有  
行列與車騎相似

前有士師則載虎皮

疏曰虎威猛亦士師之象士師非所當警備者  
而亦舉類以示公或者禁止暴橫之意歟

前有摯獸則載貔貅

疏曰擊獸虎狼之屬貔貅亦有威猛舉此使众知為備但不知  
為載其皮為畫其形耳  
藍田呂氏曰史国史掌為辭命者



也士史之有司也國史撰述故載筆以書其辭命也有司藏書故載言以備其討論也二者皆以職以君者也師行聽令非可以言傳也使眾易聞者莫如金鼓使眾易見者莫如旗物師行之前必遠為斤垓以備不虞故為物色旌旗之上舉而示眾使為之戒自青旌而下皆以物色之類表其事也

行前朱鳥而後玄武左青龍而右白虎招搖在上急繕其怒

行軍旅之出也朱鳥玄武青龍白虎四方宿名也以為旗章其旒數皆放之龍旗則九旒雀則七旒虎則六旒龜蛇則四旒也招搖北斗七星也居四方宿之中軍行法之作此舉之於上以指正四方使我陣整肅也旧讀繕為勁今从呂氏說讀如字其怒士卒之怒也呂氏曰急迫之也繕言作而致其怒先儒以繕為勁不必改也

進退有度左右有局各司其局

疏曰進退有度者教誓云不愆于六步七步乃止各馬四代五代乃止各馬一擊一敕為一伐少者四伐多者五伐又當止而各正行列也左右有局者局部分也軍之左右各有部分不相濫也各司其局者軍行復監領也馬氏曰軍之耳目在旗鼓故以朱玄青白以別其方色所以用眾也先王之征伐非私怨也致天討而已故繪四方之星所以見奉天義也



父之讎弗與共戴天兄弟之讎不反兵交遊之讎不同國

呂氏曰殺人者死  
古今之達刑也殺之以義則無罪故令勿讐調人之職是也  
殺而不義則殺者當死宜告于有司而殺之士師之職是也  
三者皆無事乎復讐也然復讐之文難見于經傳考其所以  
必其人勢盛緩則不能執故遇則殺之不暇告有司也父者  
子之天不能復父讐何無以視乎皇天矣報之之意誓不與  
讐俱生此所以弗共戴天也馬氏曰先王以恩論情以情  
合義其恩大者其情厚其情厚者其義隆是故父也兄弟也  
交遊也其為讐則一而所以報之者不同或不共戴天將死  
之而耻身之俱生出或不反兵將執殺之而為之備也或不  
同國將遠之而惡其比也嗚呼聖人不能使世之無讐亦不  
能使之殺讐而不報唯憐其情義而已矣若夫公羊論九世  
之讐則礼失於太過而所報非所敵矣漢之時孝子見讐而  
不敢復則礼失於太叩而孝悌之情無所伸矣非曲礼之道  
也○新定顧氏曰二礼載復讐事向頗疑之治平盛世并井  
有網紀安有私相報讐之事然天下事亦不可知四海至矣  
事變萬端豈可以一律論成周所以存此一條亦是治人之  
情如父母出於道忽被強寇劫盜殺害其子豈容但已存焉  
必力鬪身之俱死不在焉必尋探殺之而後已此乃人子之  
至痛追思殆不欲生縱彼在甕荒絕域亦必欲尋殺之以雪  
父母之冤故不與共戴天也不共戴天者不使之偷生俾與  
我共戴天也然又看輕重如何讐亦非一端如父母因事被



人捐陷為人子者亦當平心自反不可專以報復為心或被人挾王命以矯殺雖人子之至恨然城狐社鼠不可動搖又當為之飲恨而不容以必報為心也凡此之類皆且隨事斟酌儻不顧事之曲直勢之可否各挾復讐之義以相搆害則是刑戮之民大亂之道也

四郊多壘此卿大夫之辱也地廣大荒而不治此亦士之辱也

四郊者王城之外四面近郊五十里遠郊百里侯國亦各有四郊里數則各隨其地之京狹而為遠近也壘者屯軍之壁卿大夫不能謀國數見侵伐故多壘土庶人稀荒移不理此二者固皆卿大夫之責士卑不序謀國而田里之事則其職也故言亦士之辱  
藍田呂氏曰立丰人之本朝者卿大夫也大夫則謀人之國矣有常職以食於上者士也士則任人之事矣謀人之國之危則任其主矣任人之責任人之事不治則任其責

臨喪不情祭服敝則焚之祭器敝則埋之龜策敝則埋之牲犬則埋之

呂氏曰人所用則焚之焚之陽也鬼神所用則埋之埋之陰也  
長厯劉氏曰四物皆用之以交於神明者也  
不焚不埋則移於他用無已濟於神明哉



凡祭於公者必自徹其俎

疏曰此謂士助君祭也若大夫以上則君使人歸其俎若大夫以下自祭其廟則使人歸賓俎○呂氏曰執臣子之敬

母敢視賓客故自徹其俎以出也

卒哭乃諱禮不諱嫌名二名不偏諱

卒哭而哭吳吳而卒哭凡卒哭之前猶用事生之禮故卒哭乃諱其名嫌名音同者不偏諱謂可單言也

逮事父母則諱王父母不逮事父母則不諱王父母

逮及也庶人父母早歿不聞父之諱其祖故亦不諱其祖有廟以事祖者則不然也馬氏曰始歿而諱是知歿而致歿之不仁也卒哭而不諱是知歿而致生之不知也聖人知其然故將葬則有賜謚易名之禮卒哭則有舍旧諱新之令以明生事於此畢鬼事於此始也○長乐陳氏曰歿而不諱則安忍而忘親二名而均諱則易犯而難辟聖人知其然為之諱名之禮使之卒哭而諱所以益愛敬之心二名不偏諱所以適言語之便

君所無私諱大夫之所有公諱

私諱不避於公朝大夫則諱其先君也



詩書不諱臨文不諱

諱不因避諱而易詩書之文改行事之語蓋恐有惑於學者有誤於承用也

廟中不諱

諱廟中之諱以卑避尊如有事於高祖則不諱曾祖以下也

夫人之諱雖質君之前臣不諱也婦諱不出門大功小功不諱

諱質猶對也夫人之諱婦之諱皆謂其家先世門者其所居之宮門也大功以下恩輕服殺故亦不諱

入竟境而問禁入國而問俗入門而問諱

馬氏曰問禁慮得罪於君也問俗慮得罪於眾也問諱慮得罪於主人也

外事以剛日內事以柔日

甲丙戊庚壬為剛乙丁己辛癸為柔先儒以外事為治兵然巡狩朝聘盟會之類皆外事也內事如宗廟之祭冠昏之禮是也  
安游氏曰外事以剛日內事以柔日此謂順其陰陽也聖人之治天下本之以自然行之以至順如此而已  
三才之道在天為陰陽在地為柔剛在人為仁義仁者陽易剛之屬義者陰易柔之屬也古人以是二端盡三才之理然



是二者不可以交相雜也柔者从陰剛者从陽  
外者从剛內者从柔此謂自然而至順者也

凡卜筮日旬之外曰遠某日旬之內曰近某日喪事先遠日吉

事先近日

**疏**曰今月下旬筮來月上旬是旬之外日也主人告筮者  
云欲用遠某日此大夫礼士賤職衰時至事暇可以祭則於  
旬初即筮旬內之日主人告筮者云用近某日天子諸侯有  
難祭或用旬內或用旬外其辭皆与此同喪事謂葬身二祥  
是棄哀之義非孝子所欲但不獲已故先從遠日而起示不  
宜急微伸孝心也吉事謂祭祀冠昏之屬少牢云若不吉則  
及遠日是  
先近日也

曰為去聲日假爾泰龜有常余假爾泰筮有常余卜筮不過三余卜筮不

相襲余

**詁**曰命辭也為字去聲讀為卜吉日故曰為日卜則命龜曰  
為日假爾泰龜有常筮則命蓍曰為日假爾泰筮有常假因  
也託也泰者尊上之辭有常言其吉凶常可憑信也此命蓍  
龜之辭不過三者一不吉至再至三終不吉則止而不行襲  
因也卜不言則止不可因而更筮  
筮不吉則止不可因而更卜也



龜為卜筮為筮卜筮者先聖王之所以使民信時日敬鬼神畏  
法令也所以使民決嫌疑定猶與聲也故曰疑而筮之則弗非  
也日而行事則必踐字如之崇

**筮**筮者舊說讀踐為善文義甚迂疏引王氏說踐履也必  
履而行之當讀如字○疏曰說文猶毀名身亦數名二物皆  
進退多舛人之多舛惑者似之故謂之猶每○呂氏曰凡常  
事卜不吉則不筮筮不吉則不卜獻公卜納驪姬不吉公曰  
筮之此相襲也若大事則先筮而後卜洪範有龜以筮以或  
龜以筮逆龜筮并用也晉卜納襄王得黃帝戰阪泉之兆又  
筮之過大有之際亦龜筮並用也故知不相襲者非大事也  
信時日者卜筮而用之不敢改也敬鬼神者人謀非不足而  
猶求於鬼神知有所尊而不敢必也畏法令者人君法令有  
見者次之卜筮則君且不敢專況下民乎姬者物有二而  
相似也猶與者事有二而不失也如建都邑其地可都其地  
亦可都此嫌見也如戰或曰可戰或曰不可戰此猶與也卜  
筮以次之定之此先聖王以神道設教也有見而筮既筮而  
不信諷日而卜既卜而不踐是為不誠不誠之人不能得之  
於人况可得於鬼神乎**金華**邵氏曰卜筮之事忽之者則  
以為不足信泥之者則以為不可不信記札者虞夫人泥之  
也則口不過三不相襲又虞夫人忽之也則曰信時日敬鬼  
神畏法令是又戒其忽也然則君子之於卜筮將如之何孔



子曰敬鬼神而遠之以其為無則在所當敬以其為有則在所當遠惟處之於若有若無之間君子之於卜筮當如是而已

君車將駕則僕執策立於馬前

此下言乘車之禮策馬杖也僕者執之立於馬前所以防奔逸也

已駕僕展軫效駕

已駕駕馬畢也軫車之轄頭車行由轄僕者展視軫徧即入而效白於君言車駕竟

奮衣由右上取貳綏跪乘

疏曰僕先出就車於車後自振其衣以去塵以右邊升上必以右者君位在左避君空位也貳副也綏登車索也正綏執君之升副綏執僕右之升僕先執車時君猶未出未敢依常而立所以跪而乘之以為敬

執策分轡驅之五步而立

疏曰轡馭馬索也車一轅而四馬駕之中央兩馬夾轅者名服馬兩邊名騂馬亦曰騂馬詩云兩服上襄兩騂廐行廐行者言身中服相次序也每一馬有兩轡四馬入轡以騂馬內轡繫於軾前其騂馬外轡並而服馬各二轡六轡在右手手執杖以三轡置空手中以三轡置杖手中故云執策分轡也馳之者執驅行之也五步而立者跪而驅馬以行五步即



止而倚立  
以待君出

君出就車則僕并轡授綏系左右攘辟避忌

**疏**曰君出就車則僕并六轡及策置一手中以一手取正綏授於君令登車於是左右侍駕陪位諸臣見車欲進行皆迂卻以避車使不妨車之行也

車驅而騶蹶至于大門君撫僕之手而顧命車右就車門問溝渠必步太

**疏**曰車上君在左僕人中央勇士在右既至大門恐有非常故回命車右上車至門問溝渠而必下車者一則君子不誣十室過門問必式君式則臣當下也二則溝渠險阻恐有傾覆亦須下扶持之也僕不下者車行由僕之下則車無御故不下也**周**藍田呂氏曰此章言僕御君車之法也僕御君車其節有五將駕執策立於馬前一也已駕展軔效駕二也先上車執策分轡驅之五步三也君出就車并轡授綏四也車至大門君撫僕手顧命車右就車五也策者所以驅馬僕之所以事也君車將駕僕執策立於馬前臨而視之則駕者無敢不謹也轡車之所賴以行也既展軔乃效白君故曰效駕僕在右君位在左升由右便也門問溝渠必步防有竊邪之虞傾覆之虞也



乞僕人之禮必授人綏若僕者降等則受不然則否

凡為車之僕者必以正綏授人不但臣於君為然也若僕之等級卑下如士於大夫之類則授綏之時直受之而已無辭讓也非降等者則不受

若僕者降等則撫僕之手不然則自下拘溝之矣

降等者雖當受其綏然猶止其手如不欲其親授然然後受之亦謙讓之道也不降等者已雖不欲受而彼必授則卻手以僕之手下而自拘取之也

客車不入大門婦人不立乘犬馬不上於堂矣

馬氏曰客車不入大門所以敬主人出大門迎之所以敬客故觀禮編駕不入王門公食大夫禮賓乘車在大門外西方若諸侯不以客禮見王則墨車龍旂可以入大門故觀禮墨車龍旂以朝夫人乘安車故不立乘犬馬充庭實故不上堂以犬馬獻人則執縶約而已以馬合轡則達圭而已奉馬而觀則授人而已皆不上堂之謂也藍田呂氏曰客車不入大門敬主人也婦人不立乘以安也犬馬不上於堂賤畜也三者或敬或安或有所賤各从其宜也

故君子式黃髮下卿位八國不馳八里必式矣



**詔**式黃髮敬老也下卿位敬大臣也礼君出則過卿位而登車入則未列卿位而下車入國不馳恐車馬蹢躅人也十室猶有忠信二十五家之中豈無可敬之人故入里門必式所謂不誣十室也○鄭氏曰發句言故明此公篇雜辭也○陵方氏曰黃髮則老之老者詩所謂黃髮兒齒是矣黃土色也形生於土而反於土髮至不黃則形將反本故也○李氏曰國君而下卿位不已過乎曰君子之所以待天下之矣臣其乳有隆而無殺者篤于臣誠而已矣

**君命召雖賤人大夫士必自御迓之**

**御**讀為迓迓也自迎之所以敬君命

**介者不拜為其拜而箋**子佐拜反

**介**甲也○朱子曰箋猶言有所枝柱不利屈伸也○長樂陳氏曰古者介冑有不可犯之色介者不拜蓋介者所以服人服人者無所服一於人故不拜也

**祥車曠左乘君之乘聲車不敢曠左左必式**

**疏**口祥猶吉也吉車謂生時所乘葬時用為魂車車上貴左僕在右空左以規神也王者五路玉金象木革王自乘一餘四以行臣乘此車不敢空左空左則似祥車凶也左必式者不敢自安故相憑式乘車君皆在左若兵戎革路則君在中



僕御婦人則進左手後右手亦

疏曰僕在中婦人在左進左手持壺使身微相背遠燭也

御國君則進右手後左手而俯亦

疏曰御君者礼以相向為敬故進右手既御不得常式故但俯俛而為敬

國君不乘奇居宜車車上不廣開代欬不妄指

奇車奇邪不正之車也○方氏曰不廣欬者慮拜容之駭人聽不妄指者慮手容之駭人視也

立視五雋携式視馬尾顧不過轂亦

立謂立於車上也○疏曰雋規也車輪一周為一規乘車之輪高六尺六寸徑一圍三得一丈九尺八寸五規為九十九尺六尺為步總為十六步半在車上所視則前十六步半

也馬引車其尾近車上憑式下頭時不得遠瞻但瞻視馬尾轂車轂也若轉頭不得過轂論語云車中不內顧是也

馬氏曰先王之時作奇技奇器以見眾者有刑作淫巧以

蕩上心者有禁車不中度不齻於市用鬼不中度不齻於市

則為國君者其何以乘奇車哉蓋造車之法輪方以象地蓋圓以象天輪輻以象日月蓋弓以象星圓者中規方者中準立者中縣衡者中水玉路以象德之義金路以象義之和



路以象義之辨華路以象義之制木路以象仁之質凡稱之  
者倚仰而視之則思合天地之德周旋而視之則思合日月  
星辰之明出入不踰規矩權衡言動不離於道德仁義然  
後奇邪之志不萌於心而中正之行可律于下此所謂器以  
歲礼礼以出信者也然則非礼之奇車其可乘哉周官道右  
詔王之車儀則不戾欬口之儀也不妄指手之儀也注視五  
舊式視馬尾目之儀也顧不過轂首之儀也立欬平欬視五  
舊式欲倚改視馬尾

國中以策彗遂郵反勿以驅座不出軌矣

區疏曰八國不馳故不用鞭策但取竹帶蕤者為杖形如埽  
帚故策彗微近馬体擦摩之郵勿搔摩也軌車輶也行緩故  
座埃不飛揚出軌外也○朱子曰策  
彗氣謂策之彗若今鞭耒韋帶耳

國君下齊側階牛式宗廟大夫士下公門式路馬矣

牛註下謂下車也疏引熊氏說此文誤當云國君下宗廟式各  
牛註四度方式曰各牛祭牲也岁時必各戒以朝之故謂之  
各牛國君式各牛下宗廟則  
所以奉神者不敢不敬故也

乘路馬必朝服載鞭策不敢授綏左必式矣

註此言人臣習儀之節路馬君駕路車之馬也既衣朝服又  
鞭策則但載之而不用皆敬也君升車則僕者授綏今臣以



習儀而居左則自馭以行不敢使車右以綴  
授已也左必式者跪在尊位當式以示敬

步路馬必中道以足蹙路馬躬有誅齒路馬有誅多

圖步謂行步而調習之也必當路之中者以邊側卑褻不敬  
或傾跌也蹙與蹙同芻草也齒評量年數也誅罰也馬氏  
曰察馬之力必以年數馬之年必以齒此戒其慢君物也  
先王制禮圖難於其易為大於其細凡以止邪於未形而已  
耳圖清江劉氏曰禁過於微則人亦廷善方愚於小則忠遠  
矣齒路馬蹙路馬躬皆有誅是所以遠其防者也路馬者君  
之賂馬也路馬之可敬况其君乎是以國家之敗常  
必自其小者始焉民無敬君之心則無為貴礼矣



禮記集說大全卷之二

曲禮下第二

凡奉

上者當心提者當帶

不

疏曰物有宜奉持者有宜提挈者奉者仰手當心提者屈臂當帶深衣之帶也古人常服深衣

執天子之器則上

上

衡國君則平衡大夫則綏

讀日

之士則提

之

疏曰上高也衡平也平正當心天子器不宜下故臣為奉持器身心平大夫降於諸侯故其臣奉器下於心綏下也士提之則又在綏下

凡執主器執輕如不克

執主器操幣圭璧則尚左手

行不舉足

車輪曳踵

不

圖大夫稱主此則通上下貴賤言之如不克似不能勝也聘祀曰上介執圭如重尚左手謂左手在上左陽尊也踵脚後也執器而行但起其前而曳引其踵如車輪之運於地故曰車輪曳踵○方氏曰左手不如右強尚左手所以為容下右



手所以致力馬氏曰容止不有札則不可視進退不有札則不可度古人以一威儀之肅慢為利害之所召一執玉之俯仰為禍福之所係則九見於奉持

立則磬折垂佩王佩倚則臣佩垂王佩垂則臣佩委

禮儀折如磬之背而王佩從兩邊懸垂此立容之常然臣之於君尊卑殊等則當視其高下之節而倍致其恭敬之容可也微悅則倚於身小悅則垂大悅則委於地皆於佩見其節  
馬氏曰玉藻曰足容重手容恭立容德又曰立容辨卑無詭曲禮曰立如齊則自奉者當心以至尚左手者手容恭也行不舉足車輪曳踵者足容重也磬折垂佩者立容德而辨

齊早如

執玉其有籍者則裼無籍則襲

古人之衣近體有袍襪之屬其外有裘夏月則衣葛或裘或葛其上皆有裼衣裼衣上有蔽衣蔽衣之上有常著之服則皮弁服及深衣之屬是也掩而不開謂之襲若開而見出其裼衣則謂之裼也○又聘禮註云曲禮云執玉其有籍者則裼無籍者則襲所謂無籍謂圭璋特達不加束帛當執圭璋之時其人則襲也有籍者謂璧琮加於束帛之上當執琮璧時其人則裼也曲禮所云專主圭璋特以襲璧琮加於束帛而一條言之先儒乃以執圭而垂纁為有籍執圭而屈纁



為無藉此則不然竊詳經文楊蔭是一事  
垂纁屈纁又別是一事不容渾合為一說

國君不名卿老世婦大夫不名世臣姪迭婦士不名家相長

妾不

不名不以名呼之也○疏曰上卿貴故曰卿老世婦兩媵也次於夫人而貴於諸妾也世臣父在時老臣也姪是妻之兄女娣是妻之妹從妻來為妾也大夫不世爵此有世臣者于賢襲父爵也家相助知家事者長妾妾之有子者金華應氏曰所謂故國者非喬木之謂也有世臣之謂也古者立國必有世祿大族以培護其本根且有世臣大老以隆固其棟幹人君常寵異而尊禮之所以存忠厚恭恭敬也氣脉不墜乎先世典刑可厲乎後來國之卿老家之世臣士之祿相尊卑不同而輔贊則一敬之而不名所以示夫外之有所統也若夫內助之賢而舊者如世婦如姪婢如長妾雖其分不敵於女君其貴寔隆於諸御敬之而不名所以示夫內之有所統也內外皆有所敬而不知所敬而稟命然後同而盡心觀其可敬者莫不知所敬而稟命然後同政家事有所統一而緩急有所憑藉而倚重矣

君大夫之子不敢自稱曰余小子大夫士之子不敢自稱曰嗣

子某不敢與世子同名不



國列國之君與天子之大夫其子皆不敢自稱余小子避嗣  
天子之稱也列國之大夫與士之子不敢自稱嗣子某避嗣  
諸侯之稱也○呂氏曰世子君之適子也諸臣之子不敢與  
之同名亦避君也若名之在世子之前則世子為君亦不避  
穀梁傳曰衛齊惡衛侯惡何為君臣同  
名也君子不奪人名不奪人臣之所名

君使士射不能則辭以疾言曰某有負薪之憂矣

呂氏曰射者男子之所有事不能可以疾辭不可以不能  
辭也負薪賤役士之所親事者疾則不能也故曰負薪之憂  
也呂氏曰范氏曰射者男子之事一藝而文武之道備焉其  
為法也內志欲正外休欲直容止欲比於禮節度欲比於節  
有揖讓之儀有反求諸已之道古人進德脩業則蓋其一端  
也是以人人能之而不能者以為恥故君使之射而偶亦習  
焉則不可以不  
能辭而以疾辭

侍於君子不顧望而對非禮也

呂氏曰顧望而後對者不致先他人  
而言也○應氏曰有察言觀色之意

君子行禮不求變俗祭祀之禮居喪之服哭泣之位皆如其國  
之故謹脩其法而審行之矣



詒言卿大夫士有徙居他國者行禮之事不可變其故國之俗皆當謹脩其典法而審慎以行之藍田呂氏曰孔子去魯曰遲遲吾行也去父母國之道也子路去魯謂顏淵曰何以贈我曰去國則哭于墓而後行古之君子重去父母之國如此則其去也豈得已哉道合則從不可則去君臣之義也故以道去其君者君所以待之者三有禮焉故臣為舊君反服而君未之絕也樂其所自生禮不忘其本君於父母之國夫豈不懷況以道去君君待之有禮則舍故從新仁人君子有所不忍此行禮所以不求夷俗也俗者吾父母之國俗也雖去而之他國至於祭祀之禮居喪之服哭泣之位皆如其舊謹脩審行而不輕改者不忍忘吾父母之國也

去國三世爵祿有列於朝出入有詔於國若兄弟宗族猶存則反告於宗後去國三世爵祿無列於朝出入無詔於國唯與之日從新國之法京

詒去本國雖已三世而旧君猶仕其族人於朝以承祖祀此人往來出入他國仍詔告於本國之君其宗族兄弟猶存則必有宗子凡冠娶妻必告死必赴不忘親也若去國三世朝無仕宦之列出入与旧君不相聞其時已久其義已絕可以改其國之故矣然猶必待興起而為卿大夫乃從新國之法厚之至也馬氏曰人臣有旧君之服不過齊衰三月而已



去國三世出入猶詔放國吉凶猶告於宗後何也旧国者人之所不能忘宗族者人之所不可絕今夫鳥獸之過故鄉猶同翔躡躅而後去狐之將死猶正丘首而後斃况於人子故太公封於各世葬於周君子以為不忘其本則去國三世而恩義不斬理固然也蓋爵祿有列於朝則是不弃其後也出人有詔放國則是不絕其是也如此則吾之所以反告者其可已乎夫爵祿有列於朝則有宗後以合其族爵祿無列於朝則無宗後之法無宗後則不特不反告而已故唯與之日徙新國之法蓋方其未仕也雖守旧國之法可也及與而仕人則有所歸矣其可復為未仕之於為乎

君子已孤不更平名亦

名者始生三月之時父所命也父沒而改之孝子所不忍也

已孤暴貴也不為法父作謚樂

文王雖為西伯不為古公公季作謚周公成文武之德亦不敢加大王王季以謚也呂氏曰父為士子為天子諸侯則祭以天子諸侯其尸服以士服是可以已之祿養其親不敢以已之爵加其親也父之爵卑不當謚而以已爵當謚而作之是以已爵加其父欲尊而反卑之非所以敬其親也

居喪未葬讀喪禮既葬讀祭禮喪復常讀樂章居喪不言樂祭



事不言凶公庭不言婦女

**言**復常除服之後也樂章弦歌之詩也。呂氏曰：請是書非肄業也。當是時不知是事，不以礼事其親者也。吉、凶之事不相干，哀、乐之情不可以貳，故喪、凶事也不言。乐祭吉事也不言。凶、公私之事不可相干，私事不可言於公庭，故公庭不言婦女。**言**長樂陳氏曰：非喪而讀喪礼，則非人子之情。居喪未讀，眾礼不失之過，則失之不及。未葬而讀祭礼，則非孝子之情。既葬而不讀祭礼，不失之黷，則失之怠。喪未除而讀樂章，則哀不足，喪復常而不讀乐章，則樂必崩。

振書端書於君前有誅倒筴側龜於君前有誅

**言**人臣以職分内事。事君每事當謹之。於素文書簿領已至君前，乃始振拂其塵埃而端整之。卜筮之官，龜筴其所奉以周旋者，於君前而有顛倒反側之狀，此皆不敬其職業而慢上者。故皆有罰。**言**嚴陵方氏曰：筴有本末，故曰倒。龜有背面，故曰側。倒筴側龜，與振書其過非大，然皆有誅。疑若已甚，蓋以羣臣之众而奉一人之尊，不可不謹也。抑所以防其漸歟。

龜筴几杖席蓋重聲素衿紕絺綌不入公門

**言**龜筴所以問吉凶，嬾黷謀也。几杖所以優高年，慈自尊也。席所以坐卧，蓋所以蔽日。与雨，絺綌所以涼体，衿、紕、絺、綌也。單則見体而褻，此三者宴安之具也。重素衣裳，皆素也。以非吉服，故亦不可以入公門。



苞

白表反

屨扱

衽厭反

冠

不入公門

亦

亦

苞讀為薦以薦蒯之草為各衰喪屨也扱衽以深衣前衽扱之於帶也蓋親初死時孝子以踊踴履踐為妨故扱之也

厭冠喪冠也吉冠有纓有梁喪冠無之故厭帖然也此皆凶服故不可以入公門

書方衰

催

凶器

不以告

不入公門

年

亦

亦

方板也書方者條錄送死物件於方板之上也衰五服之衰也凶器若棺槨翼明鬼之屬不以告不入公門謂告則可

入者蓋臣妾有死於宮中者君亦許其殯而成喪然必先告乃得將入也

公事

不私議

天

馬氏曰季孫使冉有訪田賦於仲尼仲尼不對而私於冉有何也季氏用田賦非孔子所能止其私於冉有豈得已哉

君子將營宮室

宗廟為先

既庫為次

居室為後

天

亦

亦

亦

亦

亦

亦

亦

亦

君子有位者也宗廟所以奉先故先營之既以奉馬庫以藏物餘其不之用也故次之居室則安身而已故又次之

凡家造祭器

為先

犧賦為次

養器為後

天

亦

亦

亦

亦

亦

亦

亦

亦

犧賦亦以造言者如周官牛人供牛特之互與盆簠之類鄭註三若今屠家懸肉格盆以盛血簠受肉簠也口疏曰家



造謂大夫始造祭事也諸侯大夫少宰此言犧牛也天子之大夫祭祀賦飲邑民供出牲牢故曰特賦田呂氏曰宗廟祭器事吾先也在庫特賦待吾衆也居室養器奉吾私也此先後之序也

無田祿者不設祭器有田祿者先為祭服君子雖貧不粥有祭器雖寒不衣去聲祭服為宮室不斬於丘木

詁呂氏曰祭冠可假服不可假也丘木所以庇宅兆為宮室而斬之是慢其先而消吾私也

大夫士去國祭器不踰竟境大夫寓祭器於大夫士寓祭器於士

詁呂氏曰臣之所以有宗廟祭冠以事其先者君之祿也今去位矣乃擘冠以行是竊君之祿以辱其先此祭冠之所以不踰境也寓寄於爵等之同者使之可用也馬氏曰微子抱祭器而之問何也君子為己不重為人輕抱君之祭冠可也抱已之祭冠不可也

大夫士去國踰竟為壇善位去聲鄉國而哭素衣素裳素冠徹緣

去聲革履去聲素箴莫曆反乘髦馬不蚤瓜鬣翦不祭食不說如人以



無罪婦人不當御三月而復服

禮記卷二

註壇位除地而為位也御國向其本國也徹錄去中衣之采  
絲而純素也鞶屨革屨也周禮註云四夷舞者所屣素屨素  
白狗皮也箴車覆闌也既夕禮云主人乘惡車白狗帶是也  
髦馬不翦剔馬之髦鬣以為飾也蚤治手足爪也鬋剔治鬣  
髮也祭食盛饌則祭先代為食之人也不說人以無罪者  
已雖遭放逐而不自以無罪解於人通則稱已也御時  
御寢宿也凡此皆為去父母之邦捐親戚去墳墓失祿位亦  
一家之變故也故以凶喪之禮自處三月為一時天氣小變  
故必待三月而後復其吉服也註蓋田呂氏曰大夫士去國  
喪其位也大夫士喪位猶諸侯之失國家去其墳墓歸其宗  
廟無祿以祭故必以喪禮處也為壇而哭衣冠裳以素喪馬  
不飾食不祭肉不御心喪之禮也禮廢民為國君各衰三月  
寄公為所寓士仕焉而已者大夫以道去而猶未絕者皆服  
各衰三月言與民同也今去其君雖非喪也然重絕君臣之  
義故以心喪自處而期以三月故曰三月而復服也鞶屨革  
屨也周官鞶屨氏蓋蠻夷之服也草去毛而未為章非吉屨  
也孔子去魯以微罪行樂毅云忠臣去國不繫其名以已無  
罪而說於人則君有罪矣君子不忍為者厚之至也○廣安  
游氏曰古之以凶禮自處者三而喪事不身焉戰勝以喪禮  
處之去國以喪禮處之凶災以喪禮處之重天災也去國以喪禮處之重  
重用兵也凶災以喪禮處之重天災也去國以喪禮處之重  
去本也且非特以喪禮自處也人將以喪禮弔之焉去國則



吊之凶災則用之故夫去國古人之所大患也弄其君弄其位弄其宗廟弄其父母之邦此其去國之可悲也明矣

大夫士見現於國君君若勞去之則還旋辟闕再拜稽首

誥此言大夫士出聘他國見於主君君若問勞其道路之勤苦則旋轉退避乃再拜稽首也

君若迎拜則還辟不敢答拜

誥聘賓初至主國大門外主君迎而拜之賓則退卻不敢答拜而抗賓主之礼也

大夫士相見雖貴賤不敵主人敬客則先拜客客敬主人則先

拜主人

誥敬而先拜謂大夫士聘於他國而見其卿大夫士也同國則否國馬氏曰相見貴於相下相下貴於相先士相見礼若先生異爵者請見之則辭辭不得命則先見之然則拜之礼盖亦若此故主人敬客則先拜客客敬主人則先拜主人也燕礼賓升自西階主人先拜至聘礼賓入大門主君先拜迎則先拜之礼不特大夫士而已記之所言亦一端也

凡非吊喪非見現國君無不答拜者

誥吊喪而不答主人之拜者以為助執喪事之凡役而來非行賓主之礼也故士喪礼有賓則拜之賓不答拜是也士見



本國之君尊卑遠絕故君不答拜此二者之外無不答拜也

大夫見於國君國君拜其辱士見於大夫大夫拜其辱同國始相見主人拜其辱

臣君拜大夫之辱大夫拜士之辱皆謂初為大夫初為士而來見也此後朝見則有常禮矣士相見則士見國君君答拜者亦以其初為士而敬之也主人拜辱拜其先施也此謂尊卑相等者言同國則異國亦當然矣

君於士不答拜也非其臣則答拜之大夫於其臣雖賤必答拜之

臣君於士雖不答拜然不以施之他國之士者以其非已之臣也大夫答賤臣之拜避國君之休也

男女相答拜也

臣男女媼疑之避亦多端矣然拜而相答所以為禮豈以行礼為媼哉故記者明言之也

國君春田不圍澤大夫不掩羣士不取麇迷卯

臣春田蒐獵也澤廣故曰圍群聚故曰掩麇鹿子居麇子亦通名之麇卯微故曰取君大夫士位有等降故所取各有



制此乃王制文異○方氏曰用大者取愈庠位卑者禁愈嚴

歲凶年穀不登君膳不祭肺馬不食穀馳道不除祭事不縣玄

大夫不梁士飲酒不樂

區膳者養食之名肺為氣主周人所重故食必先祭肺言不祭肺示不殺牲為盛饌也馳道人君驅馳車馬之路不除不掃除也祭必有鍾磬之懸今不懸言不作樂也大夫食黍稷以梁為加公食大夫禮設正饌之後乃設稻粱所謂加也自君至士各舉一事尊者舉其大者卑者舉其小者其實互相通耳  
註藍田呂氏曰仁者以天下為一身者也疾痛奇瘡所以感吾慘怛怵惕之心非有知力身乎其間也以天下為一身者一民一物莫非吾休故舉天下所以同吾愛也故歲凶年穀不登民有飢色國君大夫士均與其憂君非不能王食大夫士非無田祿仁人之心與民同之雖食不能飽也馬不食穀則芻秣而已公明儀曰庖有肥肉廄有肥馬民有飢色野有餓莩此卒與而食人也棄人食而食馬與牲仁人所不為也凡此皆身民同憂自貶之道也及乎有九年之蓄雖凶旱水溢民無菜色然後天子食日舉以樂則身之同其憂者無不同其樂也

君無故王不去身大夫無故不徹縣玄士無故不徹琴瑟玄



詒故謂災變喪疾之類蓋蓋田呂氏曰君子致礼以治躬致樂以治心養其面氣志慮無所不在於和使教心邪氣不得接焉此樂所以無故而不得舍也災患喪病方在所憂故不可參以象古之君子必佩玉右徵角左宮羽趨以采齊行以肆夏故不去身非特為飾亦有玉声錚鳴中於五音近於樂也

士有獻於國君他日君問之曰安取彼再拜稽首而后對

詒安取彼猶言何所得彼物也

大夫私行出疆必請反必有獻士私行出疆必請反必告君勞

去之則拜問其行拜而后對

詒大夫士以私事出疆者請於君其反也大夫有獻而士不獻不以卑者之物饋尊上也故但告還而已勞之者慰勞其道路之勞苦問其行者詢其游歷之所至也先拜後告意謝見問之寵也詒長樂陳氏曰古之為臣也無私行出疆之礼告於君而後可也臣之於君子之於親一也子於親出必告反必面或有賜焉必獻以示不敢有已而無私蓄也臣於君亦然

國君去其國止之曰奈何去社稷也大夫曰奈何去宗廟也士

曰奈何去墳墓也國君死社稷大夫死衆士死制



註死社稷謂國亡身亡也死眾謂討罪禦敵敗則死之也死  
制受命於君難毋苟免也○方氏曰國君曰死社稷而大夫  
士不曰死宗廟壇墓何也蓋上其去者存乎私情死其事者  
止乎公義也○趙氏曰社所以祭五土之神稷所以祭五穀  
之神稷非土無以生土非稷無以見生生之效故祭社必及  
稷以其同功均利以養人故也周禮大司徒設社稷之壇壇  
者累土以為高也不屋而壇社壇在東稷壇在西註藍田呂  
氏曰臣民各止其君使勿去忠厚之至也以社稷宗廟壇墓  
為言者皆指其所本也先王之建國必為之置社稷使其君  
守之為土地人民之主此有國者所以以社稷為言也大夫  
之有宗廟士之保其丘墓義亦猶是大夫士則有以道去其  
君諸侯有國受之於天子有死而無去也然此去者國滅君  
死正也苟社稷無負先君有後則雖有不安其國致位而去  
特一身去就而已是亦有可去之義禮所以有寓公也人臣  
受命于君有死無二而已君之有社稷受命於天子者也大  
夫之眾士之制受命於其君者也故人臣敬君莫先於敬命  
拜命不死不  
敬莫大焉

君天下曰天子朝諸侯分職授政任功曰予一人

註天子者君臨天下之總稱臣民  
通得稱之予一人則所自稱也

踐阼臨祭祀內事曰孝王某外事曰嗣王某



臨諸侯畛軫於鬼神曰有天王其甫  
臨諸侯畛軫於鬼神曰有天王其甫  
為內郊社之事為外祝辭稱孝王其者事親之辭嗣王其者

臨諸侯畛軫於鬼神曰有天王其甫  
臨諸侯畛軫於鬼神曰有天王其甫  
以不親往故祝辭稱字曰其甫甫者丈夫之美稱也○呂氏  
曰畛猶畛畛之相接然與交際之際同義○方氏曰望秋之  
祭於郊而謂之郊也天子適諸侯非  
其常蓋有時矣故於是特言有焉

崩曰天王崩復曰天子復矣告喪曰天王登假還措之廟立之

主曰帝

區自上陞下曰崩亦壞敗之稱王者卒則史書於策曰天王  
崩復者人死則形神離古人持死者之衣升屋北面招以死  
者竟令還復休冕冀其再生也故謂之復天子復者升屋招  
呼之辭臣子不可名君故呼曰天子復也疏云以例言之則  
王后死亦同王后復也告喪告侯國也呂氏讀假為格音  
引王假有宮與來般來享言其精神升至于天愚謂還乃遠  
去聲以其往而不反故曰大行也措置也立之主者始死則



鑒本為重以依神既虞而理之乃作主以依神也○呂氏曰考之禮經未有以帝名者史記夏殷之王皆以帝名疑殷人祔廟稱帝迂据世本當有所考至周有謚始不名帝歟

天子未除喪曰予小子生名之死亦名之

區鄭氏曰生名之曰小子王死亦曰小子王也晉有小子侯是僭号也○呂氏曰春秋書王子猛卒不言小子者臣下之稱與史策之辭異也

天子有后有夫人有世婦有嬪有妻有妾

註三夫人九嬪二十七世婦八十一御妻自后而下皆三因而增其數妾之數未聞註馬氏曰昏義曰古者天子后立六宮三夫人九嬪二十七世婦八十一御妻以聽天下之內治此曰天子有后有夫人有世婦有嬪有妻有妾蓋昏義曰後宮之治故兼天子后言之而備六宮之數而妾不與焉曲禮言後宮之位故止言天子而備六宮之名則雖后之尊亦曰有后而妾賤亦與焉

天子建天官先六大卷曰大宰大宗大史大祝大士大卜大司

六典



臨此六大者天官之屬也以  
其所掌重於他職故曰先

天子之五官曰司徒司馬司空司士司寇典司五衆

臨此五官與天官列而為六  
五衆者五官屬更之群衆也

天子之六府曰司土司木司水司草司器司貨典司六職

臨府者統物之所此  
府主藏六物之說

天子之六工曰土工金工石工木工鱉工草工典制六材

臨此六材者六工之所用也故不曰典司而曰典制  
已上四條舊說皆為殷制其宗無所考證皆臆說耳

五官致貢曰享

臨呂氏曰臨終則司徒以下五官各致其功獻于王故謂之  
享貢功也享獻也臨石林葉氏曰自夫人以下至草工其分  
列之先後與名号之異同亂於周官之序宜康成以為殷視  
也蓋治天下必自內始夫人嬪妾莫不有所司而不言所者  
以其主於內而已內治則家道正可以推而及國大宰王者  
所賴以治國也故建官特先之其屬則大宗大史大祝大士  
大卜皆有書故言六典六典所以奉天道也天道主之以天  
官而地道不可以無職故次之以司徒司徒所奉者地道所



掌者邦穀也有教不可以無政故次之以司馬司馬所掌者邦政有政不可以無事故次之以司空有政事則財用足人輕於從善而恥於犯法也故次之以司士正羣臣之版以詔爵祿終之以司寇詰邦家之禁以刑暴亂五官各率其屬而治故言五衆所以奉地道天官先大宰以奉天道地官先司徒以奉地道人官先司馬是以輔相裁成之時也然而萬物生於天長於地人所賴而相養不可不意於先務故六府典司六職六工典制六材亦先王之智急於成物以奉天下也是以土也木也水也草也器也貨也聚之於人則曰六府分之於所治則曰六職金也土也石也木也穀也草也造之於人則曰六工見之於用則曰六材府以聚其物而後命官以分治故後言六職材以待人而有成非人則不能成其材故先言六工治天下至於萬物各得其成材此先王所以裁成天地之道輔相天地之宜以左右民而治也雖然功罪不進於上則下之情不通黜陟不行於下則上之權不立故五官各致其貢以通於王

五官之長曰伯是職方其攬於天子也曰天子之吏天子同姓謂之伯父異姓謂之伯舅自稱於諸侯曰天子之老於外曰公於其國曰君

司徒以下五官之長者天子之三公也伯者長大之名三公無異職即六卿中三人兼之任左右之職謂之相九命而



作伯則分主畿外諸侯如公羊云自陝以東者周公主之自陝而西者召公主之是也是職方者言二伯於是職主其治之方天子之吏攬者之辭也此伯若是天子同姓則天子稱之為伯父若異姓則稱為伯舅皆親之之辭也此伯皆有采地在天子畿內自稱於私土采地之外則曰公自稱於采地之內則曰君也

九州之長入天子之國曰牧天子同姓謂之叔父異姓謂之叔舅於外曰侯於其國曰君

註天下九州天子於每州之中擇諸侯之賢者一人加之一命使主一州內之列國取養牧下民之義故曰牧叔父叔舅降於伯父伯舅也自稱於所封國之外則曰侯若每國內臣民言則自稱曰君也註長衆劉氏曰昔三代聖人行已之法必稽于古首出廢物而不敢自尊也德配二儀而不莫自大也莫尊乎父而謂同姓三公為伯父莫親乎母而謂異姓三公為伯舅非徒自示寡昧早已以尊賢也蓋以億兆之命舒遂係于一人政教之原治亂根于一德非屈已以干賢無道以幸众未易化也是以於九州之伯同姓者謂之叔父異姓者謂之叔舅焉

其在東夷北狄西戎南蠻雖大日子於內自稱曰不穀於外自

稱曰王老



九洲之外不滿子男之國天子亦選賢以為牧但以屏且  
遠故不以牧稱亦不稱父舅朝見之時擯辭惟曰子雖或有  
功益地至侯伯之數其爵亦不過子故云雖大曰子也如楚  
在春秋雖大國而其爵則稱子也殷善也於內其臣民言  
也外謂夷狄之境也自稱  
王老言天子之老臣也

庶方小侯入天子之國曰某人於外曰子自稱曰孤

四夷之君其來荒遠故以庶方名之庶眾也某人若卑人  
介人之類○疏曰於外曰子者此君在其本國外四夷之中  
自稱侯其本爵若男亦稱男也若自身  
臣民言則稱孤孤者特立無德之稱也

天子當依上而立諸侯北面而見現天子曰覲天子當珍呂

而立諸公東面諸侯西面曰朝

鄭氏曰春朝受摯於廟受享於廟秋覲一受之於廟朝者  
位於內廟而序進覲者位於廟門外而序入○疏曰依狀如  
屏風以紳為質高八尺東西當戶牖之間緇為斧文亦曰斧  
依天子見諸侯則依而立負之而南面以對諸侯也寧者爵  
雅云門屏之間謂之字人君視朝所寧立處蓋均立以待諸  
侯之至故云當寧而立也諸侯春見曰朝秋見曰覲又曰凡  
天子三朝一在路門內謂之燕朝大饗掌之二是路門外之  
謂之治朝司士掌之其三是皋門之內庫門之外謂之外朝



朝士掌之諸侯亦有此三朝國廣安府氏曰夫礼不可一端盡也下有君臣相臨之礼則無以見大君之尊不有賓主相房之礼則無以見同姓異姓親親之慈夫諸侯之中有伯父焉有叔父焉有伯舅焉有叔舅焉有兄弟焉有昏姻焉三王家天下所恃以為天下者不獨恃其利勢也天子以親親之恩而臨諸侯諸侯亦以親親之恩而報天子上下相睦同其不統於一聖人固以為不可天子之尊諸侯之卑其自然之分固也然諸父兄弟舅甥昏姻相去之遠而久不相見於其來朝心親親之恩專以分臨之聖人之心金乃有所不安於此此親親之恩賓主之礼所以行於春朝而異於觀礼之受於廟而臣皆北面也此三代之至文聖人待諸侯之礼備矣

諸侯未及期相見曰遇相見於郛隙地曰會集

未及期在期日之前也郛地開隙之地也下言相見及期日也遇有遇礼會有會礼

諸侯使大夫問於諸侯曰聘

此年小聘三年大聘小聘大夫往大聘則卿往

約信曰誓泣牲曰盟美

約信者以言語相要約為信也用誓礼泣臨也春秋所書遇會盟聘皆有之惟無誓耳臨云盟之為法先發金地為方塊



殺牲於坎上割牲左耳盛以珠盤又取血盛以王敦用血為  
盟書成乃歃血而讀書置牲坎中加書於上而埋之謂之載  
書也長樂陳氏曰盟會或眾遇不必眾春秋公及宋公遇  
于清宋公衛侯遇于垂是遇不該於眾也周礼有盟邦國有  
盟萬民春秋有諸侯會有大夫會有兵車會是盟會有小  
而該於眾也先王之時結民以忠信誠慤之心維邦國以比  
小事大之礼然兩會遇盟誓之礼未嘗弛於天下將使夫人  
明則知好惡幽則知信畏然後天下為一家而無異俗中用  
為一人而無殊心則會遇盟  
誓之輔於教也豈不懿哉

諸侯見天子曰臣某侯某其與民言自稱曰寡人其在凶服曰

適丁歷反子孤集

臣某侯某如云臣有侯小白晉侯重耳之類攬者告天子  
之辭也凡自稱皆曰寡人不獨與民言也此畧言之耳適子  
孤亦攬者告  
賓之辭也

臨祭祀內事曰孝子某侯某外事曰曾孫某侯某死曰薨復曰

某甫復矣集

內外事見前章曾孫猶晉平公禘河而稱曾臣彪之類天  
子德厚流光故外事稱嗣王某諸侯不敢言繼嗣雅始割之



君南祖之故稱曾孫也薨之為言曾也幽臨之義本國史書之辭復稱字臣不名君也

既葬見天子曰類見言謚曰類

呂氏曰繼先君之德乃得受國而見天子故曰類見諱先君之善而請謚於天子故亦曰類  
如經天緯地曰文也

諸侯使人使去聲於諸侯使者自稱曰寡君之老食

寡君之老惟上大夫可稱見王疏

天子穆穆諸侯皇皇大夫濟濟上士蹀蹀士庶人僬僬子

呂氏曰穆穆幽深和敬之貌皇皇壯盛顯明之貌洛洛脩飾各一之貌蹀蹀翔舉舒揚之貌庶人見乎君不為容進退趨走僬僬雖無所考大抵趨走促數不為容之見也

天子之妃曰后諸侯曰夫人大夫曰孺人士曰婦人庶人曰妻食

鄭氏曰妃配也后之言後也夫之言扶弼之言屬婦之言服妻之言妾

公侯有夫人有世婦有妻夫人有妾夫人自稱於天子曰老婦

食



**釋** 畿內諸侯之妻因助祭於王后或因獻蘭之屬故得以見天子○陳氏曰不以老徐不足以任其事不以婦稱非所以能事人故稱老婦○應氏曰年高者固可稱老婦其始嫁者宜如何稱則亦曰婦而配之以卑少之名耳

自稱於諸侯曰寡小君食

**註** 疏曰此諸侯謂他國君也古者諸侯相饗夫人亦出故得自稱也坊記云陽侯殺經侯而竊其夫人故大饗齊夫人之礼君之妻曰小君而云寡者亦從君為謙也

自稱於其君曰小童食自世婦以下自稱曰婢子食

**註** 小童未成人之稱婢之言卑也

子於父母則自名也食

**註** 自稱其名註 藍田呂氏曰子之名父丑所命敬親之命不敢有他稱也

列國之大夫入天子之國曰某士食自稱曰陪臣某於外曰子食於

其國曰寡君之老使者自稱曰某食

**註** 某士擯者稱其人曰某國之士也晉韓起聘于周墳者曰晉士起蓋列國卿大夫其命數與天子之士等也陪重也諸



侯為天子之臣已又為諸侯之臣也於外曰子者亦猶者辭  
在他國則稱者稱其姓而曰子春秋閔二年齊高子來盟高  
倭是也於其國曰寡君之老謂在己國與人語則以此自稱  
也使者自稱曰某某名也若為使在他國每使君言則稱名也  
天子不言出諸侯不生名君子不親惡諸侯失地名滅同姓名

註疏曰君子不親惡者謂孔子書經見天子大惡書出以絕  
之諸使大惡書名以絕之君子不親此惡故書出名以絕之  
也△呂氏曰矣者貴者皆謂之君子天子無外安得而言出  
然而言出者德不足以君天下而位猶存焉耳諸侯不生名  
惟死而告終然後名之然有生名者德不足以名君子而位  
另存焉耳故天子不言出諸侯不生名皆謂君子不親惡故  
也△陳氏曰言出所以外之生名所以賤之春秋書天王出  
居于鄭畿之也書以蔡侯榘舞歸以其失地也書衛侯燬滅  
邢以其滅同姓也夫天子之言出諸侯之生名皆有大惡在  
所弄焉君子所以不親也然春秋書天王居於某地者二而  
不言出諸侯失地而奔者十五滅同姓者三而有不生名者  
莫非出居而事有異同莫非失地滅同姓而罪有輕重故也  
蓋諸侯義莫大於保國仁莫大於親親不能保國而  
至於失地不能親親而至於滅同姓其名之也宜矣

為人臣之禮不顯諫三諫而不聽則逃之

陳氏曰孔子之侍魯百里奚之於秦未嘗諫而去蘇逢之於  
夏化干之於殷則死敬諫而不去何也蓋事有輕重勢有可



否君子以礼為守以義為行迹雖不同其趨一也

子之事親也三諫而不聽則號<sub>平</sub>泣而隨之<sub>天</sub>

**呂氏曰**君臣義合也父子天合也君臣其合也每父子同其不合也去之每父子異也**羅陵方氏曰**犯而無隱者臣之義也諫而不顯者臣之私也此主於人臣之礼故曰不顯諫仁之於父子義之於君臣義有所不為臣有所不忍臣之於君三諫不聽尚復留焉則固位矣固位者義所不為則逃之子之於親三諫不聽苟遂絕之則傷恩矣傷恩者仁之所不忍故隨之逃之全其身而立我義之盡也隨之將以感其心而立人則仁之至也臣子之道備矣

君有疾飲藥臣先嘗之親有疾飲藥子先嘗之鑒不三世不服

其藥<sub>京</sub>

**呂氏曰**鑒三世治人多用物熟矣功已試而無疑然後服之亦謹疾之道也**嚴陵方氏曰**君於平居無事之時其膳也膳夫品嘗之太子親視之亦以致其謹而已則於有疾之時有所不可忽也醫之為術苟非父祖子孫傳業則術無自而精術之不精其可服其藥乎周官司徒以世事教能者良以此也雖然經之所言亦道其常而已若夫非傳業而或自得於心者未及三世固知所取也



人必於其倫

註 曰不得以貴比賤為不敬也△方氏曰禹稷顓臾時不同矣孔子俱以為矢亂之以道也夷惠伊尹迹不同矣孟子俱以為聖亂之以心也子夏以有若似孔子徒亂之以兒而已不知聖賢之德不倫也公孫丑以管仲比孟子徒亂之以位而已不知王霸之道不倫也

問天子之年對曰聞之始服衣若干尺矣

註 若如也未定之緯數始於一而成於十十字從一從十故言若干謂或如一或如十凡數之未定者皆可言顏註食貨志云于箇也謂常如此箇數意亦近之

問國君之年長曰能從宗廟社稷之事矣幼曰未能從宗廟社

稷之事也

註 為國以禮而禮莫重於祭宗廟社稷事無有先於此者能則知其長未能則知其幼

問大夫之子長曰能御矣幼曰未能御也

註 古者五十命為大夫故不問其年而問其子之長幼御謂御車也御者六藝之一幼則未能△疏曰御謂主事也官有



世功子學父業  
故有御事之因

問士之子金年長曰能典謁矣幼曰未能典謁也金

謁謁請也典謁者主賓客告請之事  
土賤無臣下故自典告也

問庶人之子金年長曰能負薪矣幼曰未能負薪也金

負薪者庶人力役之事長則能金嚴陵方氏曰貴賤鮮各不同莫不有為以用事故於問國君之年則以從宗廟社稷之事為對焉宗廟社稷蓋事神之事也御則於事有所制御蓋治人之事也典謁則典主請謁蓋事人之事也負薪則力役之事而已事神者重於治人治人者尊於事人  
事人者逸於力役此重輕尊卑逸勞之別也

問國君之富金數金聲地以對山澤之所出金

數地舉其土地之底狹如百里七十里五十里各言之也山澤所出如魚鼈黿蛤金五錫石之類也

問大夫之富金曰有牢食力祭器衣服不假金

宰邑宰也有牢則有禾地矣食力謂食下民賦稅之力衣服祭服也

問士之富金以車數金



**問士** 士三命得賜車馬故  
**問士** 富則以車數對也

**問庶人之富** 數上畜反 許又以對

**問** 庶人受田有定制惟畜牧之多寡在乎人故數畜以對也

**天子祭天地祭四方祭山川祭五祀歲徧諸侯方祀祭山川祭**

**五祀歲徧大夫祭五祀歲徧士祭其先**

**呂氏曰** 此章泛論祭祀之法冬日至祭天夏至祭地四時各祭其方以迎氣入各望祭其方之山川五祀則春祭戶夏祭竈季夏祭中霤秋祭門冬祭行此所謂歲徧諸侯有國國必有方祭其所居之方而已非所用是方及山川不在境內者皆不得祭故曰方祀祭法天子立七祀加以司命泰厲諸侯五祀有司命公厲而無戶竈大夫三祀有族厲而無中霤戶竈士二祀則門行而已是法考於經皆不合曾子問天子未殯五祀之祭不行士喪禮禱于五祀則自天子至士皆祭五祀祭法言涉祫妄不經至于兩祫廟則盡不身諸經合禮嚴陵方氏曰德有隆殺故所祭之神有大小業有廣狹故所祭之神有遠近也

**凡祭有其廢之莫敢舉也有其舉之莫敢廢也非其所祭而祭**



之名曰淫祀淫祀無福

**呂氏**曰廢之莫敢舉如已毀之宗廟交置之社稷不可復祀也華之莫敢廢如已脩之壇墠而輒毀之已正之昭穆而輒更也非所祭而祭之如法不得祭與不當祭而祭之者也魯立武宮立煬官舉其廢也躋僖公葬其舉也魯之郊禘與祀文王祀爰居祭所不當祭也淫過也以過事神神不享也故無福△方氏曰可廢而廢可舉而舉者存乎義因所廢而莫敢舉因所舉而莫敢廢者存乎禮蓋禮有經義有權也△**世溪陳氏**曰天子祭天地諸侯祭山川大夫祭五祀士祭其先古人祀典品節一定不容紊亂在諸侯不敢僭天子而祭天地在大夫亦不敢僭諸侯而祭山川如季氏旅泰山便不

天子以犧牛諸侯以肥牛大夫以索牛士以羊豕

**詁**毛色純而不雜曰騂養於牀者曰肥肅得而用之曰索△**疏**曰此謂天子大夫士也若諸侯大夫即用少牢士則用特牲其喪祭則大夫亦得用牛士亦用羊豕故雜記云上大夫之虞也少牢卒哭成事樹皆大庠下大夫之虞也特牲卒哭成事樹皆少牢是也

支子不祭祭必告于宗



疏曰支子庶子也祖禰廟在適子之庶庶子賤不敢朝祭  
若宗子有疾不堪當祭則庶子代攝可也猶必告于宗子然  
後祭○呂氏曰別子為祖繼別為宗百世不遷者大宗也繼  
禰祖繼曾祖繼高祖五世則遷者小宗也宗子上繼祖禰  
族人兄弟皆宗之冠娶妻必告死必赴況祭乎所宗乎宗  
子者皆支子也支子不敢祭也如諸侯不敢祭天子大夫不  
敢祖諸侯尊者之祭非卑者所敢尸也故宗子為士庶子為  
大夫以上牲祭於宗子之家祝曰孝子某為介子某薦其常  
事則支子雖貴可以用其祿而不敢專其事也宗子去在他  
國則支子攝主以祭其祿有殺程子曰古所謂支子不祭  
者惟使宗子立廟主之而已支出雖不祭至於有殺致其誠  
意則身主祭者不異可身則以身執事不可身則以物助但  
不別立廟為位行事而已後世如欲立宗子當從此義雖不  
祭情亦可安若不立宗子徒欲齊祭適欲長惰慢之志不若  
使之祭猶  
愈於已也

凡祭宗廟之禮牛曰一元大武

豕曰剛鬣

也武足迹也牛肥則迹大

豕曰剛鬣

則鬣剛



豚曰臄突巴五

臄者充  
滿之貌

羊曰柔毛五

羊肥則毛  
細而柔弱

鷄曰翰音五

翰長也  
肥則鳴聲長

犬曰羹犬五

犬肥則可為羹  
以獸凡煮肉皆謂之羹  
特牲  
禮云羹解頤考叔曰未嘗君之羹是也

雉曰䟽趾五

雉肥則兩足  
開張故曰䟽趾

兔曰明視五

兔肥則目開而  
視明故曰明視



脯曰尹祭

謂尹正也脯欲專割方正

豪考魚曰商祭

謂豪乾也商度其燥濕之宜

鮮仙魚曰脰祭

謂脰直也魚之鮮者不餒敗則脰然而直

水曰清滌

謂水玄酒也水可澣濯故曰清滌

酒曰清酌

謂古之酒醴皆有清有糟未滓者為糟既滓者為清也

黍曰鄉合

謂黍熟則黏聚不散其氣又香故曰鄉合



粱曰薺其五基

五粱穀之強者其莖葉亦香故曰薺其

稷曰明粢五洛

五稷粟也明則足以交神祭祀之飯謂之粢盛

稻曰嘉蔬五

五蔬與歸同立苗疏則茂盛嘉美也

韭曰豐本五

五其根本豐盛也

鹽曰鹹饴五才何

五鹹饴鹽味之厚也

玉曰嘉玉五

五無瑕之玉也



幣曰量幣集

國中廣狹長短之度也○疏曰此等諸号若一聚并有則舉其大者或惟有犬鵝惟有魚兔則各舉其号故經備載其名田呂氏曰祭宗廟之祔內則畫志外則畫物所謂畫物者盡其物之至義以薦之然後可以不慙於心鬼神其來享也故祝辭皆舉其義而言言祭物不敢不盡也禽獸之祔以肥腍為義魚鴈鮮烹以得宜為義水与酒以潔清為義黍稷稻粱以馨香明潔為義韭以苗之盛為義鹽以味之厚為義玉以不瑕為義幣以可制為義

天子死曰崩諸侯曰薨大夫曰卒士曰不禄庶人曰死在牀曰尸在棺曰柩羽鳥曰降字如四足曰漬白死寇曰兵集

疏曰卒終竟也士祿以代耕不祿不終其祿也死者漸也消盡無餘之謂尸陳也古人病困氣未絕之時下置在地氣絕之後更還葬上所以如此者凡人初生在地病將死故下復其初生義得脫死重生也若其不生復反本床既去殯歛陳列在床故曰尸也白呂氏曰柩久也此化者無使土親膚故在棺欲其久也羽鳥飛翔之物降而下則死矣歟能動之物腐敗則死矣漬謂其体腐敗漸漬也兵者五兵寇難之稱也

祭王父曰皇祖考王母曰皇祖妣父曰皇考母曰皇妣夫曰皇



辟璧

曰皇曰王皆以君之祿尊之也考成嬀辟沫也妻所法式也為之宗廟以鬼享之不得不異其祿謂也

生曰父曰母曰妻死曰考曰妣曰嬀壽考曰終短折市設曰不

祿

嬀者婦人之美稱嬀猶嬀也夫所賓敬也短折天橫而死也此言卒身不錄身上文大夫士之稱同者彼以位之尊卑言此以數之脩短言也又按呂氏說或冠曰兵之下當以此二句承之蓋錯簡也△謝氏曰易曰有子考無咎又曰意承考也又書言事厥考厥長之類皆非死而後稱蓋古者通稱後世乃異之耳

天子視不上於袷刻不下於帶國君綏妥視大夫衡視士視五

步

天子視謂視天子也袷朝服祭服之曲領也綏頽下之貌視國君者目不得平看於面當視其面之下袷之上也衡平也大夫之臣視大夫平看其面也士視五步者士之屬也視士亦不得高面下帶而得旁視左右五步之間也

凡視上於面則教傲下於帶則憂傾則姦忌

**呂氏**曰上於面者其氣驕知其不能以下人矣下於帶者其神奪知其憂在乎心矣視流則容側必有不正之心存乎胃中矣此君子之所以慎也**長桑**劉氏曰臣之事君敬盡於心則五事因有帝正然於視瞻苟無等降在礼為愆矣故視於天子諸侯大夫士各不同焉

君命大夫與士肄異在官言官在府言府在庫言庫在朝言朝

**人**君有命令則大夫士相身肄習之其事或在官或在府或在庫或在朝隨其所在而謀議之官者職守司存之總名府庫者貨器藏財之異号朝則君臣會見之公庭也**藍田**呂氏曰先時豫慮思不出其位皆所以處君命居是位也不敢以侵他事治是事也不敢以有他慮此所以志無所分政無不舉也

朝言不及犬馬犬

**犬馬**微賤不當言之於朝

輟朝而顧不有異事必有異慮故輟朝而顧君子謂之固食

**朝儀**當肅不宜為左右之顧異猶他也敬心不存則形諸外此所以知其有他事他慮也固謂鄙野不達於礼也**藍田**呂氏曰在朝而言犬馬慢也敬不在君也輟朝而顧亦敬不在君也有異心存焉非所治者皆異事也非所謀者皆



異慮也故君子謂之固固野陋也

在朝言禮問禮對以禮

朝廷之上凡所當言者皆禮也一問一對必稱於禮孔子在宗廟朝廷便言唯謹爾盡此道也

大享不問卜不饒富

呂氏曰冬至祀天夏至祭地日月素定故不問卜至敬不壇掃地而祭牲用饋酌用陶匏席用藻秸視天下之物無以稱其德以少為貴焉故不饒富

凡摯天子饗諸侯主卿羔大夫鴈士雉庶人之摯匹木童子委

摯而退野外軍中無摯以纓拾矢可也

摯與贊同執物以為相見之禮也魯釀非黍為酒曰秬鬯必和鬱金之草曰鬱鬱不以鬱和則直謂之鬯言其芬香條暢於上下也天子無客禮而言摯者用以禮見於神而已圭命圭也公桓圭侯信圭伯躬圭子穀璧男蒲璧此不言璧畧也羔取其羣而不失類且潔素也鴈取其知時且飛有行列也雉取其性之耿介且文飾也匹讀為鴛鴦野鴨曰鴛家鴨曰鴛不能飛騰如燕人之終守耕稼也童子不取焉成人為禮或見師友而執贊則莫委於地而自退避之也纓馬之繫纓即



馬鞍也拾射韝也矢箭也或  
野外或軍中隨所有用之也

婦人之一等二棹三脯脩棗栗二

**註**棋形似珊瑚味甜美一名石李棹似栗而小脯即今之脯也脩甲肉煨治加薑桂乾之脯形方正脩形稍長并棗栗六物婦初見舅姑以此為聘也左傳女聘不過棗栗脩以告度也**註**長牙陳氏曰礼云無辭不相接也無礼不相見也欲民之無相續也又云君子於其所尊不敢質也故貴至於邦君賤至於庶人以至婦人童子相見不依聘不足以為禮釋而不稱德不足以為義此至帛禽鳥榛栗棗脩之用所以不一也

納女於天子曰備百姓於國君曰備酒漿孟於大夫曰備掃去灑

所買  
反集

**註**呂氏曰不敢以侂祿自期願備妾媵之數而已皆自卑之辭也**註**四陵方氏曰酒漿者奉祭祀之物不如是不足以配國君故曰備酒漿掃灑者有寮之事不如是不足以配大夫故曰備掃灑凡此皆主人之謙辭爾故言備焉備者所以

禮記集說大全卷之二











一  
部  
不  
同